

## چلنی بادشاہ

یدے کسل گن ملے چک لہ بادشاہ چک یودھوک جو کھو لہ بُو خسوم  
یودپنی انسوک۔ ژھرمہ بُوی ٹنخ پو لہ شاہ زمان، برمه بُوی ٹنخ پو لہ شیر زمان،  
ڑھوتے لہ زیریدپا سر زمان۔ گوانہ دے بُو خسوم کا سبق لہ تنگے ڈگری پچھمے  
کھونگ ننگ نو دوکسے یودپا۔ یودپنی وختنگ تا بادشونی فرونی بیاچس گن چنگ  
چنگ دوکپی، یودپا نہ تا یوں می ہدیانہ گردنگی ہدیانہ شکایت اوگماریا خس۔ اوگما  
نہ کھونی چھونغو وزیر پو لہ اسقلدے وزیر زیربی انسوک۔ گوانہ اے گرونی ترانگپہ  
ژھرمونی سی اسقلدے وزیر لہ شکایت بیاس، ”لے وزیر کسل یانگ بادشاہ لہ کھوری  
فرو خسوم کا لہ بخستون یوس زیرے زیر۔ یوں نہ شکایت اوگماریا خسید۔“

زیر با چک اسقلدے وزیری سی اے وزیر چوبدون پو سہ  
زدمے کھیونگے کھونگ لہ زیرس، ”گوانہ گرونی رول لہ نہ شکایت اوگسید، دو لہ چہ  
بید؟“

”لے وزیر کسل نئی گو تھوس پو یانگ، یانگ بادشاہ لہ زیر۔“

بادشاہ لہ کھو سی زیر با چک بادشاہ سی، ”اونا اے وزیر گن سہ زدوم۔ کھدا نگ مید پنی نئی چنگ لس چی مید۔ گوانہ گا شہری بادشی بونوے ننگ نہ دو لہ لغم تھونے تلکنؤک۔“ یہ کسل دے اسقلدے وزیر کلے وزیر چوبگیا د پو زدم سے کھیونگس جو، دربار بیاس جو۔ یہ کسل کھوئی سی گرا خو بختو بیاس۔ گا شہر نگ نہ کھیونید، ژوک شہر نگ نہ کھیونید؟ زیرے۔

گوانہ سو سی زیرس ”ممن شہر نگ نہ کھیونید۔“

سو سی، ”زو منگ نہ کھیونید۔“

سو سی، ”برطانی نگ نہ کھیونید۔“

زیر با چکنا دے گنگمی خپیرو ڑھنے من پو جربہ وزیر چک یود سوک کھو چب چدے دوکس۔ دیکھہ نہ دو سی زیرس، ”نا لہ کھتی دی خپیرو چنگ سہ مہ چھودس۔“


”اونا چہ بے ان؟“

”دو دو بیا رگو سید، بادشی بُو خشومکا لہ داریرے بخوریرے من۔ منے

کھری ہندو ق فودونگ۔ سوسوسولہ پھودنی سا دافونگ زیر۔ کھودانی سی گا فنگ  
نے فونگ۔ دافونگ زیرے نہ کھوئی دافوقی ملسو کھوڈانگ نمہ ٹالے سونگ زیر۔  
ہا یو بادشاہ ان ہا یو وزیر ان۔ دو کھوتی تقدیر ان۔“

بادشاہ لہ ترس، ”چنا جو یو لیا خمو گوید؟“

بادشاہ سی ”لیا خمو گوید“ زیربانہ کھونگ لہ داریرے غوریرے میں جو۔  
منے نہ کھری ہندو ق فودتنگ۔ یا کھدانگ لہ گرفنی ساری فونگ۔ کھدانگ لہ گار  
فنگ سنی اوںکس نہ فونگ۔ دے فروئی سوسوسولہ پھودنی ساری دا فنگ۔



فُنگے نه تا جقمعے نئیں خشومی جو کتو سوسو سوسے دا فُنگنی رول لہ ہلتا سونگس۔ ژھرمہ شاہ زمانی دا فُنگنی رول لہ ژرلے گوا نہ دو یمنی باڈشی گھری ہندوق زوکسیدسوک۔ کھو لہ یمن شہری باڈشی بوںو بختون بیاسے کھیونگس۔ برمه لکنی دا فُنگنی رول لہ کھو کھوانگ ژرلے سونگس۔ شیر زمان دا ژرلے گوا نہ ایران شہری باڈشی ہندوق فوکسیدسوک۔ دو بی بوںو کھوسی بختون بیاسے کھیونگس۔ لوس جو تا سر زمان۔ گوا نہ کھونی دے خان پو، خشوم کوینگ نہ بو، زی، گرو نگی گنگنگ نو رنگن یودپنی انسوک۔ سر زمان لیگی مسننگ صورت کمال یودپنی انسوک۔ تا راجی کھہ ڈوک چارے کھوانگ، کھوانگ یودپنی انسوک۔

گوا نہ ترس بو نہ زی سی، ”لے بئی مگی او ت سر زمان، شاہ زمان نہ شیر زمان لہ یمن شہر نگ نہ کھیونگس، ایران شہر نگ نہ کھیونگس، گھری دا گار فوکس؟ گھری بختونی ہر منگ چھی مید۔“

زیر با چک کھوسی زیرس ”بو ناسی تھنگار لہ خم لہ فُنگنی ان۔“

”مہ تھنگار لہ خم لہ فُنگنی ان؟ او نا تھنگار لہ خم لہ فُنگسید نہ ٹشی یوںی گا ہندوق چلگی کھہ فوکسیدا ژول۔“ یلے کسل چین شہری رگیاستہ ژھنگنگ نو ژرلے

کھورے کھولہ دا مه تھوڑا لوئے اوں، اوںگے نگ نُ تھوں جو۔ گوانہ کھولہ زنا  
بوںو چلی کھیونید پا ژونمو چلکی، دے ژونمو سی زنا کھیونید پا کھو سی زنا زید پا جو۔ کھو  
کھوری خسمبا چلنگ دُوگید پا۔ اما بو نہ زی سہ، استقلدے وزیر سہ، اے وزیر  
چھوبدُون پو سہ ژصرمہ فزو ٹیسکی بخستون سونگس، ژھوڑے فزو لہ بخستون مہ سونگس  
زیرے فلکِ نگ دُوگید پا جو۔

دیکھہ نہ جق گننگ نہ جق چک، کھوانگ لہ خسمس، ”اونا ٿی یا بروق  
بوق گننگ نُ گار فو قسیدا دے دا؟“ زیرے کھو چھریدار چک جنگموری تلنگس جو،  
تلنگ نہ کھو بروق لہ سونگس، ”سترقپه گونگو تھوبس نہ دو لہ فنگے کھینگنٹوک۔ تا مید نہ  
زری دا تھوبتوک، نا تری دا ژلے گک۔“ زیرے دا ژلے سونگس۔ گوانہ چھو غونو  
کز بُور تھنگ چلنگ نُ کارفو فونگ چک یودسوک، دے کارفو فونگ پولہ دا زوکسے  
یودسوک۔ یلے ڦی دا ڈکھه زوکسے ننگ۔ کارفو فونگ پولہ دا زوکسے یود پو کھولہ  
تھونگس، تھونگا نہ ”یلے شزادے چن بادشاہ ڦی دے داؤ دی کارفو فونگ پولہ  
زوکسے ننگ۔ تا دیو لہ چې بیک؟“ زیرے داسہ مه فُود پا کھو آنینگ یقسے نہ یوں لہ  
لوقسے اوںگس۔ یوں لہ لوقسے اوںگسے گروئی فرونگ زدمس۔ تا دی بادشوئی خیال گن  
عجیب دُوکپی۔ ہنہ چے مید، ہنہ کھوربہ مید۔ گئیشی شیل بکلس جو کے نہ کھیرس۔

کھیرے دے تھنگ پیکھہ تھوںس۔ تھونے نہ دے فونگ پو بی کنڈیری ہر کو چوکس۔  
 چوکسے نیمو گنگہ ہر کو من دو کسے دو کسے تھرے مرے نہ دیرے دے فوئی پھن  
 چلنگ نہ خونگ چک بیونگس۔ بیونگا نہ کھوڑھ زیرس۔ کھوانگ لہ سہ خسمس، ”دے  
 فرونگ ہلتونے ہاہی سونگے ہر کوا لدنا مید، نانگ سہ عقل مید پولہ ہلتون، گھورہ  
 بُوربے، پے بے سہ گھورے مہ اوںگا۔“

گوانہ دے فروئی سی تریں، ”لے کسل یانگ دی فونگ پو لہ چہ بے  
 ان؟“

کھوسی زیرس، ”یاردو لیگی رگشے نانگ۔ گوانہ تی گھری کنڈیری ردونگ  
 سنینگہ سونگسید۔ یاردو چقسے دیکھہ تنگا کھیرید۔ دونگ دو سے دونگ، دی گینٹی شلیپ  
 گن پیکھہ فنگسے دونگ۔“ فنگسے کھونگ لوقس جو۔ اوںگے دیرے دے ژونموسی ینگ  
 گھورہ نیس کھیونگس یوزو سے پلنگ پیکھہ فرید لہ فنگس۔ گیو خسپا نہ کھوینگ زنا بنے  
 مہ گھورہ با کھوانگ ژا سونگس۔ سونگسے دے بُوفی دے خونگ پو فل چن بیاس۔  
 کھوانگ پھرود پو گوا چک کھو بسم اللہ زیرے دوری ننگ جونگ سونگس۔ گوانہ دیکھہ  
 تھیم بے یودسوک۔ دے تھیم بورگے گمبہ ہر ژینگ تھونا نہ لم پھی یودسوک۔ دے لم پو

سے رلے تنگونگ گوا نہ ڑھوڑے زگو چک یودسوک۔ دے زگو فیسے اپینگ گوا چک نہ یا پروردگارِ عالم دینگ نو اپنی چک یودسوک۔ دے اپنی چھوچھو نیسا کا دُون لہ یقپا مہ تھیا قپا چک پو دُون لہ یقپے چک پو گیب لہ فنگے یودسوک۔ کھولہ خسمس ”یا شزدے چن بادشاہ دی اپنی سی تانگ زید۔“ کھولہ خسمس، ”تانا لو قسے گلپا ٹری مقصد پیکھہ تھونا مید۔ تا یکھہ دُکٹوکپا دے اپنی سی نا لہ چہ بیات؟“ کلہ ہلو فریدی کھہ سونگے نہ یا اپنی گیب لہ فنگے یودپنی چھوچھو لہ کھا بورس، انو زیرس۔ کھا بور با چک اپنی سی یا جنگمنگ تھمسے نہ تواق لینے ڈونو بل چی کھلین یودسوک یکھہ مے سہ تنگس یودسوک، یا مینگ نو ہزو سے نہ فیونگے فنگس۔

دیکھہ نہ زیرس، ”روسپہ تھوسا پا ختمی بیابو سے کیونوق مہ تھونخی ملسو کھہ کھیانگ چہ بیاسے تھونس؟ کھیانگ سو ان گانگ ان؟ چا اوںغفی ان؟ چہ بیا اوںغفی ان کھیانگ؟“

زیربا نہ تا موے دے شکل و شماںل پو تھونگے کھو جھکھے یودپنی۔ جکھسین کھوسی زیرید، ”انو جو گیو خے یانی سی نی دی کنگمہ لقپہ سنگ ڑھکسے خم خم سونگسید یانگ یونگ لہ سمن یوس، دیکھہ نہ یانگ لہ نی مقصد پو زیرید۔“

دو زیربانہ اپنی سی الوبلوی تھکسے کھیونگس جو، دو لہ سکوس۔ دیکھ نہ ترس،  
”چا اوںگفی ان؟“

کھوسی زیرید ”یالہ انونا چینی بادشی بُوان۔ گواہ نتی وزیر گُن نہ بو اسی  
نئی بخستون بیالہ شہ کنگ نہ بادشی بونوگ بخستون بیاسے کھیونگا لہ ہلپہ تنگا ریا خسید پا۔  
دے من ن نتی جربہ وزیر چک یودپا کھوسی زیرس، دو پین دُگیدا، نڈانگ نمے  
ڑلے گارکھورید۔ کھودانگ خشومکا لہ داریرے بخوریرے مِن، مِن نہ کھری ہندوق  
فُودتونگ۔ کھونگ لہ دافُودتونگ زیر۔ زیرس نہ کھوتی دافوقی روں لہ کھودانگ ڈلے  
گیگ۔ دو زیرے نیا سی دافُودتلگس، تنگا نہ کا شاہ زمانی دا یکمن شہری بادشی کھری  
ہندوق پیکھے کھیرسیدسوک۔ کھوسی تمن شہری بادشی بونو بخستون بیاسے کھیونگس۔ برمه  
کلی دا ایران شہری بادشی کھری ہندوق زُوكسیدسوک، کھوسی ایرانی بادشی بونو  
بخستون بیاسے کھیونگس۔ ناسی تا ملا ختم لہ فلگنی انپا۔ ڈلے کھورے مہ تھو بانا ڈلے  
اوگنا نہ دی تھنگ پیکھے دی کارفو فونگ پو یودسوک، دو بیکھے فو قسے یودسوک۔ گواہ  
نا یوری ڈلے اوںگفی ان۔“

دو زیربانہ اپنی سی زیرس، ”لے ملی آتا فی شدیا یانگ لہ مِنَا یودپنی

خاتون پھی چنگ سه مید۔ (اپنی پھصن پِنگ نو شدی فرو چک یود سُوک۔) فی شدیا یا شدی فرو یود۔ یو یانگ کھدے گوید نہ سونگ۔ یانگ چنگ سه مید۔“

گوانہ کھولہ خسمس، ”یا شزدے چن بادشاہ نری قسمت پِنگ کھوانگ یو یود پنی ان۔“ زیرے نہ لیا نمو گگ جو زیرے دے شدی فرو اپنی شدیا نہ کھوسی کھیونگسے بروق لہ نہ بلبے او نگے مگبہ شلمی ہڑے کہ تھونا نہ شام ٹھب ٹھوب سونگس۔ کھدے او نگے دیرے گھوری کمرنگ یانگ سونگس۔ سونگی بنگ لہ پلنگ پیکھہ فرید لہ فنگس۔ شدی فرو پلٹنی او ق پِنگ تلگس۔

دے من نہ ژونمو سی چپاتی نیں نہ سپق پھی کھیونگس۔ دیکھہ نہ دستروان تنگس۔ دے من نہ دے چھڑو شدی فرو سی پلٹنی او ق پِنگ نہ یئونگسے دے چپاتی چک پو کھوانی کھیرس۔ کھیرا نہ دو ژونمو لہ چوچ تھونگس۔ تھونگا نہ مو دروقس۔ موسی تریں، ”لے سر زمان کسل دیو چہ ان؟“

کھوسی زیرس، ”کھری شزدے کھیانگ دیو سولہ سہ مہ زیر۔“

چپاتی چک پو کھوانی زوس۔ دیکھہ نہ کھو پلنگ پیکھہ فرید لہ فنگس۔ یا دُوك دُوك پولہ دُوكو جقا بگیاد چک کمرنگ نہ کھوانگ مہ پئونگس۔ تا کھولہ یو

خسمس ”اے کا نیسکالہ بادشوئی بونو تھو بس۔ نالہ شدی فڑو تھو بس۔“ خسمس نہ کھو کھر پلینگ نُ باہر ملا مہ یئونگس۔

سر زمانی زی سی بوالہ ترس، ”دے خان پو کمِنگ نہ ملا یئونگما مید۔ چہ سونگنی ان گانگ سونگنی ان بخار چی چنگ یودا؟“

”اونا دے زان کھیر بی بونو لہ ترس۔“

”چہ سونگنی ان منگ لے بونو سر زمان لہ؟“

”چاہا جو درنگ نہ جقا کھنک ان کمِنگ نہ ملا یئونگما مید، زنا سہ زا مید۔“

زیزی سی زیرس، ”اونا زنا مہ زوس نہ زنا فید چی کھیونید اے ملا لزو قسے کھیونگما مید، چہ ان گانگ ان؟“

دیرے اسقدے وزیری فڑو اونگس کھو نہ کھوانگ ٹیم ژھر اپا۔ کھو اونگس ترس، ”لے بادشی بُ یانگ لہ چہ سونگس گانگ سونگس؟ باہر کھور با دونگ، نا یانگ لہ سمن کھیونید۔“ کھوسی دو خنگسے اے بونو لہ سہ مہ زیر زیرے یودپنی لا۔

کھو سی باہر کھیرس جو۔ کھوری ننگ نو کھیرے لیا خمو زاچس باچس چی کھونگس۔ بادشاہ دے نیمو گنگہ کھوریں دوکے شام نہ ینگ لو قے ننگ نو تھونس۔ تھوننا نہ دے بوںو سی زنا کھیونگس، کھیونگا نہ دے شدی فروینگ پلٹنی اوچ پنگ نہ یئونگسے چپاتی چک پو دو سی فیونگس کھیرس۔

آخر پیکھہ دے بوںو لہ سہ تھودوا مہ گوا جو زی لہ زیرس۔ زی سی تریں، ”سر زمان درنگ نہ جتن پخو چونا ژے گوید۔ کھو نیالہ تھونگا سہ ژھد سید۔ کھو یانے کھوانگ لہ پچھو دنی لس چی بین کھورید۔ ہنہ دی ملسو کھے گوید زیر با مید۔ دیو چہ ان گانگ ان پچھو دپا کھوانگ مید۔ کھیانگ آنینگ زان کھیر بی کھیانگ لہ پتہ یو دپنی ان، کھیانگ زیر۔“

دے بوںو سی زیرس، ”تا چہ بیک لے زی کسل نا لہ نہ بادشاہی سو لہ مہ زیر زیر سید۔ تایانی زیر زیر بانہ نا زیرید۔ گوانہ سر زمانی دا فو قنی ملسو کھے نہ دے شدی فرو تھونغی انمنگ۔ یکھہ نہ کھو ندپا سونگسے دوکے درنگ جتن ان۔“ دو گنے بوالہ کڑا تنگس زی سی۔ زی سی بوالہ ہر منگ تنگس۔ گنے گنے دے چپرو گوا ہر ژا گنگہ لہ کوس۔ کا نیسا کا لہ سہ کوس دو۔ سر زمان لہ شدی فرو چک تھوب سنگ زیرے۔

آخر له دیرے دے ژھرمہ کا نیسا کا سی گراخفو بیاس۔ تا دے ژھوٹے خان پو بو انہ زی یولی گنگمنگ رنگچن یودپنی انسوک۔ ژھرمہ کا نیسا کا سی گراخفو بیاس، ”ندانی سی بو انہ زی لہ زنا ریرے زان تنید زیرے ندانگ سرزمان کھیونگا توںگ۔ گوانہ ندانگ لہتی خاتون گئی سی زان فھوید۔ تا کھولہ چپاۓ نیس کھیرید لو چک پو شدی فروسی زید۔ تا اے چک پو بو انہ زی لہ تنیدا کھوانی زیک؟ گوانہ کھو کھریلی این۔ کھو یولنگ نہ فیانمی این۔ فیانا نہ ندانگ لہ کھرنہ زدونگ آرام سونگ۔“

دونوں جقا فھو چوغا ژرے گوید پا، دیرے کھولہ اوںگ زیرے کھیونگ۔ کھوے گکونگ شاہ زمان نہ شیرزمان کھوتی کمرنگ نو یودسوک، کھو سلام بین سونگ۔ سونگسے کھونگ لہ ترس ”کھداںی نالہ چا اوںگ زیرے تلگفی این؟“

”چہ بیک لے فونو ندانگ لہ بختون یولنگ چی بے انا پا یو ندانگ بیاس۔ دو سے ندانگ لہ تی نمونی لپھی کھہ بو انہ زی لہ زان چی تلگا لہ نیا سی کھیانگ لہ سہ گراخفو لہ اوںگ زیرنی این۔ دو لہ چہ بید گانگ بید؟“

”لیاخمو گلگ یانگ جو“ زیرے کھولو قس۔ لوقسے اوںگسے پلنگ پیکھہ فرید

لہ فنگس۔ بہر حال زنا دے بونو سی کھیو نگس۔ چپا قی چک پو دے شدی سی زوس۔  
بادشاہ سی چہ بیاس نہ سہ کھو زنا مہ زوس۔

ژونمو سی، ”یافی زنا بھیس“ زیرس۔

کھو سی زیرس، ”نالہ زنا زا سنی مید۔“

دیکھہ نہ دے شدی پلٹی اوچ پنگ نہ بیو نگس، بیو نگس نہ کھو لہ تریں،  
”یانگ لہ چہ سو نگفی ان، گانگ سو نگفی ان؟ یانگ زان چا مہ زے ان؟“

”خیارے انا پلٹی اوچ پنگ دوک۔ نازنا زوس نہ چہ بید نہ زنا مہ زوس  
نہ چہ بید کھیاٹی۔ درنگ فی کھه او نگفی لجد پو سوی کھه او نگسید؟“

”چہ سو نگ یانگ لہ؟“

نالہ کا نیسا کا سی او نگ زیرے کھیرے نہ زیرس، نڈانگ بختون بیاسید  
گوانہ تی نموفی لپھی کھہ بو ا نہ زی لہ زنا ریرے زان تندیز زیرسید۔ کھو نگ نیسا کا لہ گھوفی  
خاتون گئی فخوید۔ نالہ چپا قی نیس کھیو نید، چک پو زو زیربی فر صت مید پا کھیاٹی  
زید۔ تا اے چپا قی چک پو نہ نا چہ بیک؟“

”یاں چہ زیرسید؟“

”ناسی یلے کا نیسا کا لیا غمو گوید زیرسید۔“

”دو میں یانگ یانگ لو قے سونگ، سونگے گھودا نگ لہ ژھر ژھری کھہ زنا تو نگ زیر۔ گیو خے ژھرمہ کا شاہ زمانی تو نگ۔ دیکھہ نہ برمه شیر زمانی تو نگ۔ دیکھہ نہ یری ریس او نگا نہ چھی نہ چھی بید یانگ۔ سونگ دو سے لو قے سونگ“ زیرے لزو قے تنگس۔

تنگا نہ گلوفی سی، ”چا او نگس؟“ زیرس۔

کھوسی زیرس، ”یدانگ نیسا کا ژھرمہ ان، گیو خے یدانگ نیسا سی بو اند زی لہ زنا ریرے زان تو نگ۔ دیکھہ نہ فی ریس پو تھونا نہ نا سی زان تنید۔“ کھونگ نیسا کا سی بو اند زی استقلدے وزیر یونگ لہ زان تنگس۔ اے جق لہ ریس پو گھوری انھی۔ کھو تا پلنگ پیکھہ ہسکے زنی ریس ان زیرین چھی جو تروبری نہ زان چدھ۔ آہیکھہ بو اند زی لہ اپنی فکر سونگس، ”چہ بیک تا کھوسی چہ بیاسے زنے تنید؟“ دے بونو لہ زیرس، ”لے بونو کھیافی سی سر زمان لہ زیر گوانہ زنو نڈانگ فتو ید۔“

دے بونو او نگے زیرس، ”یانگ لہ بوانہ زی سی، زانو نڈانگ فخوبید  
زیرسید۔“

کھوسی زیرس، ”بوانہ زی لہ زنا مہ فخوس زیر“

دیکھہ نہ شدی سی زیرس، ”یانگ دے انوے شدیا سونگ۔ سونگس نہ  
انولہ سلام بے ان، بیاس نہ یانگ لہ چا اونگ لے بُوزیربی ان، یافی زیر نیا سی  
بوانہ زی لہ زنا ریرے زان تلگما بیاسید۔ گوانہ اے کا نیسکا سی زان تلگفی ان۔  
دو سے زان تلگمی ریس پو فی کھہ تھونے یودپنی ان۔ دو فری شدی سی نایری شدیا  
تلگفی ان زیر۔ زیر نہ موافی سی چھی نہ چھی منمت یو یافی کھورے اونگ۔“

”لیاخمو گک“ زیرے کھوسونگس لے کسل دے فو فی اوق پنگ یودپنی  
بہوینگ سونگس، گوا چک لپنی دیکھہ دو کسے یودسوک، اپنی لہ سلام بیاس۔ بیا نہ  
اپنی سی زیرس، ”لے ملی آتا، یانگ چاشنھ جو؟“

”نا کا نیسکا سی بوانہ زی لہ زنا ریرے زان تلگمی ریس بیاسید پا  
کھونگ نیسکی ریس پو گوئس۔ ہسکے ریس پو فی ان۔ اغا نہ نا شدی سی یری شدیا  
تلگفی ان۔“

”لے ملی آتا فی شدیا چنگ سه مید۔ دے ترافي روئی المارِنگ یانگ  
چنگ ننگ نہ کھورے سونگ۔“

کھو ہسم اللہ زیرے ترافي روئی الماری زگوفیس۔ فیا نہ دینگ نُ خسیری  
پندان چک یودسوک۔ یلے کسل کھو یو گھورے او گلے شدی ہڈیا تھونس۔ تھونے  
دو شدی دُونو یقس۔

یقپا نہ شدی سی کھولہ زیرید، ”انا لے سرزمان یتی ککا نیسکا سی سو سو  
لہ زنا تنگس؟“

کھوسی زیرس، ”ککا نیسکا سی بو نہ زی اسقلدے وزیر یو لہ زان  
تنگس۔“

شدی سی تریں، ”یانگ لہ وزیر ٹرام یود؟“

”نا لہ اسقلدے وزیر کلے وزیر چوبگیاد یود۔“

”وزیر گنی ٹنخ پور بس۔ یافرو چک کھیونگ یا یافی رہس۔ گیو خسے بو نہ  
زی دیکھہ نہ ککا نیسکا دیکھہ نہ لکی نمہ نیسکا دیکھہ نہ وزیر چوبگیاد، اسقلدے وزیری بُو،

یوں سر کردہ گنگمہ ترانگپہ گنگمی ملخ رہیں۔ (یہ کسل کم از کم فی بگیا ٹرے فہست سونگس۔) یافی دی فروتگے دے گنگمی کھہ نہ دستخط لین۔ ہسکے فی زانی ریس ان، یداںگ گنگمہ بوائی دربارِ نگ زنا لہ شوخ زیرے توںگ۔“

کھوسی زیرید ”لے دے گنگمہ کھیونگے نہ چہ مُنمی ان کھیافی؟“

”لے بادشاہ یانگ نافی زیرفو یوس۔“ یہ کسل دے گنگمی کھہ نہ دستخط لینس جو۔ بو انہ زی لہ پتہ مید دو۔ یہ کسل میونگ ریرے ریرے بین اوںگے بوائی کھر پو گنگس۔ دیکھہ نہ یوں سر کردہ گنگمہ، ترانگپہ گنگمہ تھوںس۔

بادشاہ سی ترید، ”لے چا اوںگنی ان کھداںگ گنگمہ؟“

”چاہا لے کسل سر زمانی زنا تنید زیرے دعوت بیا سے کھیونگنی ان نیا

ڑھنگمہ۔“

زیربانہ بادشاہ سیرپو سیرپو سونگس۔ سونگس نہ کلے بیوںگے سونگے خاتوان پولہ زیرس، ”لے کھری دے سترو قمید فروسی می گنگمہ زدمیس کھیونگسید۔ چپاتی نیس کھیرید چک پوشدی فروسی ہلتا ہلتے مید پا کھیرے زید۔ گوانہ دی گنگمہ لہ اوںگ زیرے کھوچہ مُنمی ان؟ گروںگی ہسری پونگ کھیونگے دیکھہ زنا پخوا شروع یوس زیر۔“

دیرے زی سی اے بونو لہ زیرس، ”سوںگ لے بونو کھولہ زیری، دی گنگہ زدمے کھیونگے چہ بے ان؟ نیا دیکھہ رُنا تیار بید زیر۔“

دیرے دے بونو سوںگے سر زمان لہ زیرس، ”بوانہ زی سی کھر پوںگسید دے گنگہ لہ رُنا فجوید زیرید۔“

”رُنا مہ فجوس زیر۔“

دیرے دے شدی سی ٹھیک بجا چوںیسی کھہ سر زمان لہ سکلید، ”یانگ سوںگ دی شوق شوق پوکھور، کھورے یاںی حاضری لین۔ دیکھہ نہ سلام یین سوںگ۔ یانگ یانگ بادشاہ فجوس یری رعب دابی کھہ مہ سوںگ۔ حاضری لینے ژھنگ سنگ نہ ٹھیک ان۔ ژھنگفا میدانگ نہ دے مہ اوںگنی می لہ اوںگ زیرے توںگ۔“

یلے کسل کھو سوںگے حاضری لئیں۔ گنگہ سی حاضر زیرس۔ ژھنگسیدوک۔ دیرے کھولو قسے اوںگے شدی لہ زیرس، ”ژھنگ سنگ۔“

”یانگ دی پندان پوکھورے سوںگے زگوہرڑی کھہ چوق تھونا نہ یاںی سلام بے ان۔ یانگ آہا دکھہ گار سہ مہ دوپکی ان، زگوہرڑی کھہ چوق دوپکی ان۔ دوکسے نہ یاںی بسم اللہ زیرے دی چابنی نہ دے تالو فیس۔ فیا نہ چوپا گوے کھہ

سلبرے نہ آفابو دوپت۔ لق چھو گار نہ تنگی ان یانگ لہ پتہ یودا؟“

”بوانی کھہ نہ تنگی یانگ۔“

”دو میں۔“

”اونا چہ بے ان؟“

”ترانگ لہ نہ تنگی ان۔ ترانگ لہ نہ تین کھیونگے خیون لہ پھمفا نہ یانی دے آفابو نہ سلبرے باہر یوق۔ دیکھه نہ دسترخوان تنگی ان۔ یانگ یا بزو دیکھه ترانگ لہ نہ تین کھیونگے خیون پیکھه درا اونگ نہ کھوانگ لیاخموسونگ، تادرامہ گوا ہلقس نا یانی دیکھہ ہلتے یوق۔ دیکھه نہ پلیٹ تنگی ان۔ یا تھک پو بین کھیونگے دے سنگ کھیدپا نہ زنا تنگی ان۔ دیکھه نہ یا بزو کھہ یانی چہ تنگی ان۔ دیکھه نہ گوپنی چی سیٹ پو بیاس ننگ نہ یانی سی یانگ یو بیاس زدری ان۔ دسترخوان بسترخوان گُن سلبریونگ زدمے ٹھیک بیاس نہ یانی یتی شزدے یدانگ لہ شوخ زیر بو میدا پا یانگ فی شدیا نہ چنگ عزت چی مہ سونگ، یدانگ بخش بیوس زیر۔“

یہ کسل تاکھو دینگ زکورہڑی کھہ نہ السلام علیکم زیرین گوا چک سکل لہ بوا یود، ترانگ نہ خیون لہ کا نپسکا یود، ٹھرمہ لکنی شول لہ اسقلدے وزیر یود۔

بواں ہلتا کھیوڈپا مید۔ مجلس پنگ نو ہلتا کھیوڈپا مید۔ کھوس قموق پچی بیاس۔ ٹلچی پچی بیاس۔ دیرے ہلتا نہ دینگ نو مک لہ مہ تھونگی سلبڑے نہ آفتوے یودشوک۔ دیرے کھولق پچھو تلگس۔ یا بزوے کھے کھوسی زنا سہ تلگس۔ اینگ کھونگ زنا چوق ریاخفا چک گھوری زی، کھونگ نیسکی نمو دونگ لہ سہ زان تلگس۔

یلے کسل کھونگ چوق زنا چوق ریاخفا چک کھونگ لہ دینے جنم چی اوگس۔ یانے جومبو زنے کھونگ لہ گوپا بخفا مہ دوک، تابق مہ بق۔ زنا پچھمس، چہ سہ تھونگس۔ تا اے سی اے لہ پلتس جو۔ اے سی اے لہ پلتس۔ ککا نیسکا لہ سو لہ مہ سو گنفوگن گوید۔ ہلتا سا کھوانگ تھوبا مید۔ دیرے دے سامان کن دے پندان پنگ نو بند بیاس۔ بند بیاس غنی جو کٹو کھو بخش لہ رُنس جو۔

دے جق پو دوکے اے جق لہ ککا نیسکا سی کھو لہ ینگ سکت زیرس۔ ینگ سوگس۔ سلام بیاس نہ کھوسی زیرس ”چے کسل یونید جو؟“ کلوٹی سی زیرس، ”تا نڈانگ لہ زانوںگ تا گوق۔ گوانہ ہسکے ندافی سی بوا نہ زی لہ کپڑا جوڑا ریرے بیا کھونگ۔“ ”لیا خمو گک“ زیرے اوگس۔ اوگس نہ ینگ پلنگ پیکھہ فنگے نہ ینگ زنا چدس۔

چدپا نہ شدی سی ینگ تریس، ”چہ سونگ؟ جق لہ زنا چدمیں ڈوگید۔ جق لہ کھرو سین ڈوگید۔ یانگ لہ چہ گوے ان؟“

کھوسی زیرس، ”زنو کھری شزادے کھے گوش۔ ہسکے کپڑا بید لو بوا نہ زی لہ۔ گوانہ شرٹ نیس، پتلون ٹیس مید نہ نانگ لہ مید۔ گوانہ یو نافی گونا بوا نہ زی لہ سکون؟“

”یافی چہ زیرسید؟“

”نا سی لیا خمو گک زیرسید۔“

”ینگ لو قے سونگ۔ ینگ گوندے زیرفو زیر۔ دیکھہ نہ ینگ لو قے اونگ۔“

کھو سونگس، گوانہ گلوفی سی تریس، ”لے سر زمان کھیانگ ینگ لو قے تھونس۔“

”نا پیانگ نیسکا سی بوا نہ زی لہ گوپا کپڑا بیوس دیکھہ نہ نا سی کپڑا بید زیرے او نگی ان۔“

”لیا نھو گک“ زیرے کھونگ نیسکا سی بو انہ زی لہ کپڑا بیاس۔ اے  
بچ لہ تائینگ کھوری ریس انھی۔ کھوینگ رُنا چدس۔ چدپانہ موسی تِس، ”بچ لہ  
رُنا چدیں دو گید دیو چہ ان؟“

”ککا نیسکا سی کپڑا بیاسید، ناسی چہ بیک تا؟“

”یانگ اپنی شدیا سونگ، چا اونگفی ان زیرس نہ یافی زیر، کپڑا بے  
ریس ان دوفری شدی سی یری شدیا تلگفی ان۔ دیکھ نہ اپنی مانی چھی من نہ یافی  
یو کھورے اوونگ۔“

کھوسونگسے اپنی لہ سلام بیاس۔

اپنی سی تِس، ”چا اونگس لے بُو؟“

کھوسی زیرس، ”لکھر چھنی زانو یری ٹھے رِنگو گوا، شدی فرو بی ٹھے  
رِنگو گوا گوئس۔ درِنگ کپڑا بے ریس ان دوفری شدی سی یری شدیا تلگفی ان۔“

لے ملی آتا فی شدیا کھیانگ لہ منی چنگ مید۔ دے المارِنگ چنگ ننا  
ہلتؤس۔“

الماری زگو فیسے ہلتا نہ جومیٹری ژوخ صندوق چک یودسوک۔ یو کوٹی  
جنڈنگ تنگے کھورے اوںگ۔

شدی سی ترس، ”کا نیسکا سی سو سو لہ کپڑا بیاسفی ان؟“

کھوسی زیرس، ”بوا نہ زی لہ بیاسفی ان۔“

”کھرچغی دے زنا تلگی فہست پو یودا مید یری شدیا؟“

”یود۔“

”یوبیکھ تھلے یولنگ نُتوڑے موڑیانگ ڈامڑے یودپی ان نہ فہست  
یوس۔“ ینگ دے فروتلگس۔ دے گنگمی کھہ نہ دستخط لینیں۔ بادشی کھر پوینگ گنگا  
ریا خس۔ بادشی کھر پوگنگس۔ گنگا چک ینگ یا فہست پو بی تحت حاضری لینیں۔  
حاضری لینا نہ گنگہ ڈھنگسیدشوک۔

کھوسی شدی لہ زیرس، ”یے شدی گنگہ ڈھنگے اوںگنگ۔“

موسی سکلس، ”یاگ ینگ سونگ، سونگے نہ ترانگسے بوائی ڈونو سونگ  
سلام یوس۔ دیکھ نہ یاٹی دی جومیٹری ژوخ یودپی صندوق پو دی چابی نہ کھروں۔

(خسیری غزیے تنگے یودپنی انسوک خمولی یلک نہ دوفے انسوک۔) دو چوچ فیا  
 چک چوقا گوے کھہ بوالہ کپڑا یودپنی ان گویکھی تھوڈ کنگمی کنگ ہلم تک۔ بوالہ  
 گیو خسے سکون۔ سکونی جو کتو رکا نیسا کا لہ کپڑا سکون۔ اسقلدے وزیر لہ سکون۔  
 اسقلدے وزیری فررو لہ یا اوںغا یودپنی مہان گنگمہ لہ یا بزوے کھہ سکون۔ اے  
 دے توڑے موڑیانگ گن لہ دخون ریرے من۔ اے دے اشو نیسا کا لہ جوڑا  
 ریرے سکون۔ دیکھہ نہ یانگ ینگ یا بزوے کھہ جومیٹری کھا بند یوس۔ بیاسے نہ یانی  
 سی یدانگ لہ شوخ زیر بو مید پا عزت پھی مہ سوگس زیرے نہ یانگ لو قسے  
 اونگ۔“

”لیاخمو گک“ زیرے کھو سوگس نہ بوالہ سلام بیاس۔ بوائی دُونو سیکھ  
 دُوکس۔ دُوکس نہ جومیٹری کھا فیس۔ دو کھروں، کھروں لے نہ بوالہ گویکھی تھوڈ، کنگمی  
 بُوٹ تک یودسوک دو سکونس، ترسمہ بسمہ تنگس جو۔ دیکھہ نہ کا نیسا کا لہ کپڑا مُنس۔  
 اسقلدے وزیر لہ، کھوے بُولہ یا بزوے کھہ یوں سر کردہ گنگمہ، توڑے موڑیانگمو  
 گنگمہ لہ کپڑا بیاسے چھو قسے ہلقسے ایمنگ زی نہ کا نیسا کی نمہ نیسا کا لہ سہ سکونس۔  
 دیکھہ نہ کھو بخشش لہ زُونے کھو لو قسے تھونس۔

کھونگ ڙھنگمہ نگ نگ لہ پچھے سوگس۔ سوگس نہ زیرید پا، ”یہ دی چینی بادشی خان پو له سر زمان له شدی چک بختون بیاسے تھونسنگ زیرین یود۔ ائمونه دیو شدی مین۔ ملا مہ تھونگنی ملا ہر کن له مہ بققی زاچس گن ڏانگ لہ بقسید۔ ملا مہ تھونگنی کپڑونگ ڏانگ لہ دکھ کھیونگسید۔ دیو شدی مین۔“ سوسوسوسوے نگ نگ لہ تا ہرمنگ تئید پا۔

جقا نیس ٿرے له کوئی ینگ سکت زیرے کھیس۔ کھو ینگ سوگس۔

سوگس سلام بلاں بیاس۔ بیاس نہ ”چہ کسل یؤنید جو؟“ زیربا نہ ”تا ڏانی سی کپڑا سه بیاس۔ زنا سه تنگس۔ تا ڏانی سوسوسوسی نہ کھیونگسید، یا کھرنگ دوکپو پا ڏانگ لہ کمره خشوم خشوم اوگمی سے میں زیرید۔ ڏانگ تی لپچی کھے کمره تئید۔“ کھونگ نیس کا گراخفو بیاسید پا ”نا سی ایران شہری میونگ کھیونگس لس بید۔ یا ڻگ لہ یمن شہری بادشی میونگ کھیونگ نہ پچھو غید۔ زانو بیا نیس۔ کپڑو تنگا نیس۔ تا دے کمر و کھو چہ بیاسے تنگوک؟ گوانہ کھو کھرپٹی ان۔ کھریلے نہ کھو فیانمی ان۔ فیانا نہ ڏانگ نیس کا سی حکومت بید۔“ کھونگ نیسکی سازش پو دو ان پا۔

یہ کسل دیرے کھولہ ینگ اوںگ زیرے کھیس۔ ”چہ کسل یوںید جو“

زیربانہ

”تا نداني کمرے خشوم خشوم تئید، نداني تي لپھي کھه کھر تئید۔ بوا له سا  
شزدے یوس زیرید۔“

”لیاخمو گلک اونا دونگ خشوم کا بوائی شدیا۔“

خشوم کا سونگ نہ بوا له سلام بلام پھی بیاس جو۔ بوائی کھدانگ خیون لہ  
دوس۔ بوا سی ترس، ”لے بوائی مگی اوت خشوم کا کھدانگ چا اوںگ فی ان؟ چہ سونگ  
گانگ سونگ؟ کھدانگ زومسے یود ینگ؟“

”یری شزدے نیازومسے یود، ٹھیک یود۔“

”اونا چا اوںگ فی ان؟ کھدانگ خشوم کا رخے اوںگ سید۔“

گوانہ ژھرمہ شاہ زمانی سی زیرس، ”بوا کسل گوانہ یری شزدے سونگ  
نہ نیا تی لپھی کھه کمرے نیس نیس خشوم خشوم تئید جو۔ یری شزدے سونگ نہ نیالہ  
ملے من۔“

بواله چوچ شیس۔ یے کھونٹی سی تافی دی ڑھوتے فروکھریل چوکپا لہ  
بے ان دیو تا۔ دو شیے نہ زیرس، ”لے دنیادی می اونگس نہ چینی ہرق اونگس نہ  
چھوڈ پی کمرہ یود دینگ۔ کھدانگ ینگ آہیکھہ کمرے کھتی فیوخ لہ نہ تئید۔“

”تا یری شزدے نداںگ نداٹی کمرے تئید۔ یانگ نیا خشومکا لہ سا  
شزدے بیوس۔“

”یا اوٹا دونگ“ زیرے کھیرس۔ کھیرے دے کا نیسکا لہ رُوت ڈانگ  
یودپنی ملے چکی کھ کھیرے نہ زیرس، ”یا اوٹا کھیانگ دکھہ کمرہ توںگ۔“ اے شیر  
زمان لہ دو پا ایڑارے ملے ہلنے زیرس، ”یا اوٹا کھیانگ دکھہ توںگ۔“ کھونگ نیسکا  
لہ ملے احاطہ بیاسے منس جو۔ سرزمان لہ اوںگ زیرے کھیرے نہ جاگگ ژھر پی  
یودسوک۔ دے ژھر پنگ نو تا میدپنی نہ میدپنی میوه میدسوک۔ پچھومنک سے  
آنینگ یودسوک جو۔ مید پنی نہ مید پنی مندوق میدسوک۔ سہولت گنگمہ آنینگ  
یودسوک ”یا اوٹا کھیانی دکھہ گھر توںگ۔ کھونگ نیسکا سی بے دے حالت پو نالہ پتہ  
گوے ان۔ کھونگ کھری کھ مہ کھور بانہ کھیانگ فیونگسے تسلما لہ یا گنگمہ یین یودپنی  
ان۔ خُداسی کھیانگ لہ ہلتین یودپنی ان۔ گوانہ کھیانگ ٹری بو دو سے سونگ۔“

”ییری شرذے جو“ زیرس۔ زیرے نہ شدی شدیا تھونس، یانگ فرید لہ فلکس۔ دے جق لہ رُنا کھوانگ مہ زوس۔ شدی سی فُتوس، ”یانگ لہ چہ سوگنی ان؟ خپیرو توگ نالہ۔“

گوانہ کھو سی زیرس، ”اے گنگہ کھری شرذے کھ رُنا سے گوئس، کپڑو سہ گوئس، دو سے کھونگ ننگ تندید لو۔ سوسوے لپھی کھ کمرے تندید لو۔ گوانہ کھونگ لہ گھوتی میونگ اونگے پھوید۔ تا نا زد کپا لہ سُوسی پھویک؟“

”کمرہ گار تندید لو؟“

”بوالہ سا من زیرے سوسوسو لہ سا منسید۔“

”یانگ لہ چہ بیاسید؟“

”نا لہ بوائی شرذے کھ پھونغو ژھر چی منسید۔ قسم نہ قسمی مندووق یودپنی، باغ سکورے یودپنی، چُھوِمک سہ آئینگ یودپنی۔ نا لہ دو شرذے بیاسید۔“

”ایہیک، بوالہ یانگ سوگنے زیر، نا لہ دو گوسپا مید۔“

”اونا چہ بے ان دو مہ رگوسپا؟“

”بوا لہ یانگ سونگے زیر، یری شزدے سونگ نہ نالہ دیو رگوسپا مید۔“

”اونا چہ رگوسپی ان؟“

”بوا لہ زیر او گھر لہ تھیوق پیکھہ جاگ ٹھنگ پھی یود دے، دے  
ٹھنگ پو شزدے یوس زیر۔“

تاکھوے سنایک کھوانگ چقس۔ نالہ دے ژھر پنگ چہ بیات خسمے  
ئو لہ مہ سونگونگ گوید، کھیانگ دی ٹھنگ پو ہمن زیرید۔ چہ بے ان دے ٹھنگ  
پو نہ؟“

”لے بادشاہ یانگ نانگ زیرفو یوس۔“ شدی سی کھو زبردستی کھه تنگس۔  
بوائی شدیا تھونس، نونگسپا گوین۔

”لے بوائی سرزمان چہ سونگس کھیانگ لہ؟ نا کھیانگ لہ دے زبردست  
ژھر پو منسید۔ کھری غدونگ پو سیر پو سونگے، کھیانگ تمحدے مید۔ کھیانگ فکر نگ  
یود۔ چہ سونگس گانگ سونگس؟“

”نالہ دے شدی سی زیرید جو، اے گونگہ دے تھنگ پو من زیرید۔

”ژھر پو رگوسپا مید لو۔“

”لے دے پچھو مید پنی دے تھنگ پونہ چہ بید لو۔ دو کھیانگ یوق لہ کھیر۔ ژھر پو سہ کھیانگ کھیر اے تھنگ پو سہ کھیانگ کھیر۔“

کھولو قسے انگس۔ اوںگا نہ شدی سی ترس، ”چہ زیرس بو اسی؟“

”بو اسی دو یوق لہ کھیر شک لو۔ ژھر پو سہ یوق لو تھنگ پو سہ مفسید۔“

”ایہیک، دو مین“

”اونا چہ بے ان؟“

”دو عرض نویس کھیونگے دو یری کھہ انتقال یوس۔“

کھوسنگس، بو اسی ترس، ”چہ سونگس؟“

”یری شزدے سونگ نہ یو عرض نویس کھیونگے فی کھہ انتقال یوس زیرسید۔“ یا بنگ لہ قانون گو کھیونگس پٹواری کھیونگس، عرض نویس کھیونگس، کھیونگس دو کھویکھہ انتقال بیاس۔ بیاس نہ بادشاہ سی زیرس، ”یا تمہدا تا؟“

کھوسی ”تمہدی سری شزدے“ زیرس۔

یلے کسل دے جق پو دوکے اے جق لہ تاکھو ینگ پلنگ پیکھہ نہید  
اونگے یود دے۔ یود پا چک شدی سی زیرید ”چہ سونگس؟“

”ینگ چہ گوید، مہ رگوپی دے تھنگ پھی سہ میں زیرے دے ژھر پو  
نہ گنگہ سو سی گیدپنی ان؟“

”ینگ اپنی شدیا سونگ۔ اپنی سی چا او نگس زیر نہ نیا کمرہ تئید۔ تنگا نہ  
شدی سی یری شدیا تنگ فی ان زیر۔ اپنی موافقی چھی میں نہ کھورے او نگ ہے۔“

”یا“ زیرے کھو سونگس۔ اپنی شدیا تھنوں۔ اپنی سی ترس، ”ملی آتا چا  
شخس یانگ؟“

”انوکھڑا سہ بیاس یتی شزدے کھہ زنا سہ تنگس۔ گوانہ دو سے گلوٹی کمرہ  
تئید لو۔ گوانہ نالہ کمرہ تنگی سے منسید بوا سی، یری شزدے سونگ نہ چھی شزدے  
بیوس۔“

”ملی آتا فی شدیا چنگ سہ مید۔ خیون رو لی المارِنگ نُو چنگ ننگ نہ

یاںگ کھورے سونگ۔“

خیون روی الماری فیسے ہلتا نہ جکجک رسی چک یودسوک۔ دے رسی کھورے اوںگے شدی لہ ملنس۔ زان بان زوس، زو سے ٹھن لہ لزو شری کھہ بادشی فرو لہ زیرس، ”یارسی سئے کھہ کھور۔“

”گارگوے ان؟“ زیربانہ ”یاںگ نانگ کھیرنی سادونگ۔“ یلے کسل بادشی فرو لہ دے رسی کلس جو، موانگ شدی دُونوسونگے دے تھنگ پیکھہ تھنوں۔ تا موسی دے رسی کھروس۔ موسی ترس، ”کمرے ٹام تنگمی ان دکھ؟“  
بادشی بوسی زیرس، ”کمرے خشوم ینگ۔“

موسی چہ بیاس؟ دے کھرو بگیا ہرثق چک یودپی دے رسی فیونگے نہ دو  
لہ چار گونہ بیاس۔ بیاس نہ دے کزو بھکی کھہ موسی ردوا ریرے ہلزا نگس جو، دیرے  
کھو کھوانی برغی سکل لہ نہ ردوا نیس کھیونگس۔ موسی ترس، ”دیوچہ بے ان یانی؟“  
زیربانہ کھوسی زیرس، ”کمرہ تنگا لہ ردوا سکے ینگ۔“


موسی زیرس، ”لے بادشاہ چوق دُوك لو قے اوںگ۔“

اے جق لہ ککا نیسکا سی یمننگ، ایرانگ فرن تنگ۔ کمرہ تنگا له می توںگ زیرے۔ یلے کسل دیرے جقا بگیادی جق لہ یمننگ نہ ایرانگ نہ می تھونس۔ تھونے کمرہ تنگا له ہنگردو ہرکو سے رگیانگ ہڑپ کپاریا خس۔

گوانہ شدی سه سو نگس جو دیکھ، تا ٹوفی لہ گنگہ لہ۔ تا بادشاہ سہ گھری ہندوق نہ کھونگ لہ ہلتین دُکس۔ بادشاہ سی سہ گرونگ نہ فزو جوان بگیاد پھوڑے کھیونگسے کھونگ نہ ٹیمبو نہ کمرہ تنگے لدن چوکس۔ رگیانگ گنگس، تھوق کلس۔ دے من نہ شدی سی چہ بید؟ چورونگ چی سنیا له فنگس جو، اے شلمنگ نہ بڑے لق گنگہ زدمے کھیونگس جو۔ دو رُدونگسے تھقے نہ زنگ چنگ زبنگا تنگس۔ زبنگا نہ اے دے خاتون نیسکا سی مولہ ترید، ”انا لے اشے شدی دیوچہ بے ان، بڑے لق پوزنگے نہ؟“

”دی بڑے پھو زنگے نہ لپائی بیاس نہ ہبُو مہ ٹھی ان۔“ دو زیربانہ کھودانگ نیسکا سه سو نگسے بڑے کھیونگسے نہ تنگ پولہ لپائی بیاس، کمرونگ لنس۔ تانگ کُنی تنگستون یو پا گوبی جق لہ شدی سی بادشی بُودے تھنگ پیکھے کھدے سو نگس۔ یا تھنی ہڑے کھے چوق تھونا نہ لے کسل، دیکھ آسمانی موڑ

ژو خ کُن مور یودپی ملسو کھه روڑ فیونگے روڑ کُن لہ سنگ مر تھنگے یودشوک۔  
 روڑ گنگمی کھه خسیر نہ خموی لپائی یین کھیر کھیر پولہ کھیر فو آنا گوے کھه تھونے من یودشوک۔  
 دنگ نہ اینگ ڑے قبلی رول لہ بک تھونگ چی لہ مے زوں زوں بردیشوک۔ سکل  
 لہ نیمہ شرفا ژو خ تھونیدشوک۔ دیہا دب پونہ ایہا دب پولہ سکرمہ ژو خ پولنک بک  
 تھونیدشوک۔ مور پو بیو نگے چوق تھنگ پیکھہ تھوننا نہ سرزمانی سی شدی لہ ترس، ”انا  
 لے شدی او ا تھونگمی دے سنگ سنگ پوچہ انمنگ؟“



”دو له ندانگ ہلتا گویدی۔“ کھونگ چوق موڑ پو یئونگے تھنگ پیکھہ تھوننا نہ دے مے جینما ژو خ پو چہ انسوک زیربانہ ندانی تارکول تنگا ژو خ پو خمولی تارکول تنگے یودسوک۔ تا ندانی دے کولوس ہڑیکید دے۔ دیکھه خمولی کولوس ہڑکے یودسوک، آنا دے مے جینی ملسی کھہ تک۔ یلے کسل دیکھه چاچک بلجنی گیٹ چک ہلٹانگے یودسوک۔ دے گیٹ پولہ چھوغوتا لے چک تنگے یودسوک۔ دیرے شدی سی کھولہ دو بی چابی مُن۔ منے نہ زیرس، ”یلے بادشی بُو یانی دی چابی نہ بسم اللہ زیرے رگو فیس۔“ دیرے کھوسی رگو فیا نہ رگو بخانگ بین پیس۔ بیسے کھونگ چوق اینیگ تھوننا نہ اہا چھن پنگ نہ دیہا چھن پنگ فو ستقی نہ مو ستقی یودسوک لے کسل۔ دے فو ستقی نہ مو ستقی کھہ سونا رانگ فُس نا ڈانگ رانگ رُدونی سی بادشی استقبال بیاسے نہ ڈانگ حریب رُدونگے نہ تا نہ غوکھوانگ بیدپا لے کسل۔

سکل پنگ حوض یودسوک جُو۔ کندیر پوری کمرہ تنگے یودسوک۔ کمرونگ سہ دو بیاسے تنگے یودپنی انسوک، اے کمرنگ نہ اے کمرنگ تھونگما، اے کمرنگ نہ اے کمرنگ تھونگما۔ تا دے کمرونگ دس بارہ، دس چودُنی سائزی کھہ تنگے یودسوک جُو۔ کمرہ کھوانگ بگیا ہڑق چک یودسوک۔ دیکھه نہ دے شدی سی تریں،

”یہ بادشاہ تاکھیانگ تھدسا؟“

”تا دی گنگمہ تھوٹغی چہ گنو، کھیانگ کھوانگ شدی سونگفا نہ فرلا“ زیرس۔

تا نگ کن لدنے کھوئی سی نگستونی تیاری بیاس۔ نگستون بیالہ بو اند زی اسقلدے وزیر لہ سکت زیرس۔ گیو خسے کھوئی کمرو نینگ کھیونگ۔ چوق کمرو نینگ تھونا نہ تا دے بڑے خا سی کھونگ لہ دینگ دُک دوت کھوانگ مہ سونگ۔ شونمو یو نگے او نگ۔ تا دیکھہ نہ کھونگ دے ژھوڑے فرو سرزمانی تلگنی نگ پنگ نو چوق تھونا نہ دینگ نو اگر تی سپارے خا با چنگ او نگا میدسوک، غالی خوشبو او نیدسوک۔ دینگ نو زاچس باچس زوس۔ زو سے یو نگے او نگے دیزارے تھونا نہ شدی سی کھولہ تروق تیگس کھوئی تریں، ”دیو چہ بے ان؟“

”درینگ جق یودپی کھہ اے دے تمہنگ پیکھہ تلگنی نگ پنگ سہ ہلتا کھیری۔ دو بی سہ افتتاح بیاسے شوخ زیری بوالہ۔“

گوانہ کھوئی بوالہ زیرس، ”بوا کسل یدانگ لہ تکلیف نہ گوید، تا سونگ نہ سہ نا سی یانی شنزدے بیا پسی تمہنگ پیکھہ سہ نگ چک تلگسید۔ یو بی سہ افتتاح چی بیاسے شو خسی۔ زی کھدے مہ گوے ان۔ کا نیس کا اسقلدے وزیر، یانگ

نانگ یونگ ژا گوے ان۔“

بادشاہ سی اسقلدے وزیر لہ تریں۔ تریا نا کھو سی ”شوہسی لے کسل“ زیریں۔ یہ کسل گلکونگ سہ کھدیں۔ کھونگ سونگے دے شلمی پھصن پیکھہ تھوننا نہ موڑ موڑ تلگے روڑ فخوے یودسوک۔ دیرے کھونگ آنا تھنی گوے کھہ تھوننا نہ آنا تھنی کھہ مے بڑمن یودسوک۔ بہ حال کھونگ زگوکھہ تھونے زگو فیا چک تا نہ سونا رانگ فوں نہ ڈانگ رانگ رُدوئی سی فوستقجی نہ موججی کھہ نہ تیانید پا جو۔ تا بادشاہ لہ دے کمرونگ دے حوض گُن دی گنگمی سٹائل گُن تھوٹگھی کھہ نہ بادشاہ لہ حوضی سنائے کھوانگ مہ لوپا کھیرے فوغیدسوک۔

دے من نہ استقدے وزیری سی زونے نہ زیریں، ”لے بادشاہ کسل ہوش بیاسے شوہسی۔ دیو یری بُوی کھر پو ان، ینگ سُوی کھر پو مین۔ یانگ پریشان چا گوید؟“

یہ کسل تا کرا نیسکی غدونگ کھوانگ کنگ تھل سونگس۔ شدی سہ نیمبو یودپا۔ دیکھہ نہ گوپنی پا سہ ترقے ہومبو زاچس گُن کھیونگس۔ دونگ زو سے نہ تا بادشاہ دونگ سرزمان نہ شدی سی سکیا لے تلگا کھیونگس گمبہ موڑ تک۔ دیکھہ نہ کھونگ لو قسے

سوگس۔ تا دیکھه نہ شدی سی سر زمان لہ ترس، ”یے سر زمان تا کھیانگ تحدسا مہ تحدس۔“

زیر با نہ سر زمانی زیرید، ”یے دی گنگمہ بیاس پو نالہ چنگ مہ فنس۔ کھیانگ کھوانگ شدی سوگس دوکسے نہ۔ کھیانگ شدی کھوانگ نہ مین۔ کھری شردے کھیانگ کھری اصل شکنگ اوںگ۔ کھیانگ لدن چونکی خُدالہ نازگ۔“

”لے بادشاہ دوپا تھلے یانگ چنگ مہ زیر۔ نا شدی شوبنگ نہ بیوئندی“ زیرے مو آہا کمرنگ سوگس۔ شدی شوبنگ نہ بیوئنس جو۔ بیوئنگے بادشی بُوی دُونو اونگس۔ سر زمانی پر دو لینے غدونگ لہ ہلتا نہ لے کسل ہو بیانہ کیائے گئے ہا بیانہ تروپسی خاتون چھی یودسُوك۔

دیرے سر زمانی سی مولہ ترید، ”انا لے خاتون کھیانگ گار یوئی بادشی بوں ان؟ کھری منځ پولہ چھ زیرید؟ کھیانگ دی شدی شوب پنگ جوکسے چا دُوکپی ان؟“

زیر با نہ موسی زیرید، ”یے سر زمان بادشاہ نا پرستانی بادشی بوں ان۔ فی منځ پولہ حلال پری زیر بی ان۔“

”اونا کھیانگ دی شدی شوب پنگ دوکے دے فوئی اوچ پنگ دے  
اپنی نہ نیمبو چا دُکنی ان؟“

موسی زیرید، یاں گے یری انولہ سکیسیفی جق لہ نافی انولہ سکیسیفی ان۔  
ندانگ نیسا کے چک ان۔ گوانہ فی تقدیر پو خُدائی ہلٹنمہ ذات پوسی یاں گے لہ  
تمھونا بیاسے یودپنی انپا۔ امہ نا یا شکل و شماںل پیکھہ دُنیادی کھہ دُکسیدشونارے  
ہلا یولی بادشاہ درے یولی بادشاہ ستِرن یولی بادشاہ دے گنگمہ فی فری تمھو گوے  
انپا۔ دوفری خدا وند عالمی سی نا دی شدی شوب پنگ نُوز بے نہ فی کھہ موگل لہ  
دے اپنی لیقسے یودپنی ان۔“

دیرے کھولہ سننگ پولہ عذاب گواریا خس۔ فی زی لہ فی بوالہ شدی  
تمھوبسید زیرے سننگ پولہ ژامڑے داغ سوگنا دُکٹوک۔ گلے گلے جقا بھی جو کٹو  
زاچس کم کم یین او نگے ہر کیا گواریا خس۔ ریاخفا نہ دیرے حلال پری سی کھولہ  
ترتید۔

”إنًا لے بادشاہ یاں گے لہ چہ گوے ان؟ کھر نہ زدونگ سے یاں گے لہ آرام  
سوگس۔ یاں گے چیز پنگ سے نا سی کھریل مہ چؤکس۔ دو سے نا سے دی شدی

شُوب پِنگ نہ یوںگے اصل شکلِنگ اوںگسید۔ دو سونگ نہ سہ یانگ ہر کیا گوئیں  
اویںد۔ چہ سو نگی ان؟“

زیربانہ کھوسی زیرید، ”دی گھرنہ زدونگ پو گنگمہ فی زی لہ چک تھو نگس  
نہ موڑامڑے تھد و کپا؟“

موسی زیرس، ”لے بادشاہ یری زی لہ دیو تھو نگمو مہ رکیل۔“ یہ گ جمعے  
نیس خسوم ڑے لہ کھو یو پاسہ ہر کیا گوئیں اوںگس۔ اوںگا نہ موسی زیرس، ”اونا یانگ  
یری زی کھیونگما سونگ۔ نا یانگ یا شدی شُوب پِنگ جو کسے دُو کپی ان۔ یاٹی فی میخ  
پو مہ زیر بی ان۔ شدی زیرین دُو کپی ان۔“ زی گھر پِنگ کھیونگما سونگس۔ گھر پِنگ  
کھیونگس۔ تا مولہ دے گھر گُن تھو نگفی کھے نہ جو مو جیران کھوانگ سونگس۔ یہ کسل  
آخر پیکھہ کھونگ زان بان زوس۔ مو موری کمرِنگ نید اوںگس۔ کھونگ کھوتی کمرِنگ نید  
اوںگس۔

زی لہ سہ تا خسمس، ”دیو شدی مینمنگ۔“ مو کھوتی کمری بر بنی پچھن  
پِنگ سونگے نہ ہلتیں۔ مو اصلی شدی انانا مینمنگ۔ دیرے مو شدی شُوب پِنگ نہ  
یوںگے دے شدی شُوب پو پلئی او ق پِنگ فنگے نہ مو موری اصل شکل پِنگ

اونگس۔ زی لہ خسمس، ”مودینے خاتوان پھی انمنگ۔ مو حرامزدانو سی نی بو اے ککا نیسا کا نہ بر لہ کھریل چوکپا لہ دی شدی شوب پنگ جو کسے ڈکھنی انسوک۔ نیسا کا لہ نید کھوکفا نہ نا چہ بیانا ہلتوس۔“

کھونگ لہ نیدی غمغورٹ گوا نہ دیرے مو گلے اوںگے کنگ سکت لق سکت کو مہ چوکپا دے پلٹنی اوچ پنگ نہ دے شدی شوب پو فیونگس کھیونگس۔ فیونگس نہ مولہ یو پچھو دس۔ نانگ دی شدی شوب پو لہ کھوانگ مے تئید۔ دیرے مودے شوب پو پلٹنی اوچ پنگ نہ فیونگس ہسری کھنگ لہ کھورے سونگے دولہ تیل چھی فو سے تنگے مے تنگا نہ دولہ بڑونگ تو گے من نہ قی چک بیاس جو، دے من نہ گونگ نہ غنگ چھی بیاس دے کھر نہ زدونگ گنگمہ گار کھیر گار مہ کھیر ہر تچا کھوانگ مہ سونگس۔ زی نہ کھوانگ ٹرا دیکھہ کھڈس۔ تا نہ اوہوری سپیانگو بوس جو اوہوری چجن بوس جو، اوہوری ای بوس جو، تا نہ جانوری سکت چھی میدپا چنگ سہ مہ کوئی۔

کھولہ خسمس، مو سی زی کھدے اونگمو مہ رگیل زیر نی انپا۔ کھو سی زیرس، ”زی یافی چہ بیاس؟ نا لہ دکھہ مو سہ تھونگما مید۔ کھر زدونگ سہ تھونگما مید۔ جانوری

تا شونگ سکت گن کو مید پا ند انگ لہ چنگ سہ کوا مید۔ چہ بیاسنی ان دیو یانی؟“

”تا چہ بیک لے بُو نا سی دے برنی اوچ پنگ نہ ہلتین دُوکپا نہ موسی  
دے شدی شوب پو دے پلٹنی اوچ پنگ فنگ۔ فنگما نہ نا سی دے شدی شوب  
پولہ مے تلگنی اناپا۔ فی خسمبو اے کا نیسکا نہ بر لہ کھیانگ کھریل چوکسے یقے دی  
شدی فخو س دُوکپا نہ دو فری نا سی مے تلگنی اناپا۔“

تا دے ژھنی سکل لہ ٹھوب نہ زی لقو لہ تھمے دے شلمنگ نہ نیسا  
کھیرے فوغین لئین رے کھیمن تھہ سنگ سونگے نہ ننگ نو تھونس۔ تھونما نہ بادشاہ  
سی ترس۔ ”چہ سونگ گانگ سونگ؟ لقپونگ کلگمونگ چدے خیار سید۔“

تا موسی دو بادشاہ لہ ہرمنگ تلگسید۔ تلگما نہ تا بادشاہ لہ خا او نگس۔ او نگے نہ  
زیرس، ”کھر مید زدونگ مید چنگ سہ مید۔ کھد انگ دی بوسترنگ گار دُکس نہ  
کھتی سننگ ٹشک دُوکپی ان۔“ تا بادشاہ سی موڑو سے خلونگے زا ژے بیں  
یقس۔

تا کھو کمرنگ نہ کھوانگ بیونگا مید پا۔ جقا خشوی جو کٹو کھو لہ خسمس، تا نا یا  
اپنی ٹھدیا چک گ۔ زیر سے کھو جکھسین ژھبیں اپنی ٹھدیا سونگ۔

سو نگے اپنی لہ سلام بیاس۔ بیانہ اپنی سی زیرس، ”لے ملی آتا چا اوں گ  
ڑوک اوں گ؟“

زیربانہ کھوٹو سے فریاد بیاس۔ اپنی سی زیرس، ”چہ سونگ کھیانگ لہ؟“  
گوانہ کھوسی دے واقعوںگ ہرمنگ تنگ۔ تنگا نہ اپنی سی زیرس، ”شدی  
سی کھیانگ لہ مو مہ کھیونگ زیرسید پا مید پا؟ تا نا لہ چنگ سے چارہ مید۔ فی سے  
بسنگ مید پنی ان۔“

آخر پیکھے کھوسی زیرس، ”اوی یانی چھ بید نہ یوس۔“

زیربانہ اپنی سی زیرس، ”یلے انوے روزی نالہ ینگ چنگ چھوقفا مید۔“  
زیرے نہ کارفو لو چک نہ نقپو لو چک میں، منے نہ موسی زیرس، ”دکھہ نہ سونگے او  
ژھوق تھنگ چھی یود۔ دے ژھوق تھنگ پیکھے تھونمت۔ تھوننا نہ یو بیاسے کھیانگ  
دے ژھوق پورگے ابینگ مہ تھونمی ان۔ گوانہ کھیانگ دے ژھوق پو ہر ٹوب۔  
دیکھہ نہ کھیانگ ابینگ تھوننا نہ ینگ سکمبو تھنگ چک دوکپت۔ دے تھنگ پورگے  
ایڈارے تھوننا نہ لم پھی دوکپت۔ دے لم پورگے سونگے گبڑارے تھوننا نہ دے  
لم پولہ نیس گوات۔ چھوق دے لم گٹ پنگ تھوننا نہ کارفو لو نہ نقپو لو کھیانی سی فُود

تونگ۔ کارفو ٹو سونگی لم پوری کھیانگ سونگ، نقو ٹو سونگی لم پوری کھیانگ مہ سونگ۔ دے کارفو ٹو سونگی لم پوری کھیانگ سونگے ملے چک لہ کھیانگ تھونا نہ دیکھ چھوٹک چھی دُکپت۔ دے چھوٹک پیکھے پلچنگمے دُکپت۔ کھیانگ دے پلچنگمی کہہ تھوں۔ تھوں نہ دیکھ رِنگمو لیکھر چھی دُکپت۔ دے لیکھر پوچدے کھیونگے نہ دے لیکھری سکل پو فوشنگ دُکپت۔ دو کھیانی سی ہڑوبے نہ خلینگبُو فخوس۔ خلینگبُو فخوس سکل پو فوشنگ دُکپت۔ موتھونگنُوک لقپہ تنگے مہ ہلثیب۔ یا یو ژانہ نا لہ ائید۔ ینگ چنگ یئنا مید۔“

”فی مک پولہ تھونگ نہ سہ چھوچ۔“ یہ کسل گیو خپسی کھہ اپنی سی ٹو میں، سترے میں، کھو دونگ کھورے ژھوچ کُن ہڑوبیں سونگس۔ دیرے کھو دے لم گٹ پیکھہ تھوں، کارفو ٹو نہ نقو ٹو فود تنگس۔ چھوٹک پیکھہ تھوں۔ لیکھر پوچدس۔ خلینگبُو فخوس۔ فخوس خلینگبُو فخوس، فوا چک تا پری نو گنگمہ سی مو سکل لہ تنگے جو رگدے ہڑیدشوک۔ ینگ کھو دیکھ لقپہ تنگا نہ دیکھ گار یو د۔ دیکھ نہ کھو نورے دکھه او نگے تا کھو لہ خسمس، ”نانگ دیڑارے نُزوگی چنگ یونگ سہ او نیدا؟“ دو زیرے کھو دیڑارے نورے خلینگبُو فوا نہ دونگ سہ او نیدشوک۔ گوانہ کھو مک گنگ ڈرے دُکسے خلینگبُو فوا نہ یونگ سہ او نیدشوک۔ یو بین او نگ او نگ پولہ او نگ سے کھو

شام خوفناکی بنگ نہ نگ چلگنگ تھوں۔ تھونا نہ دیکھ سکفری کارفو سو لگنگی سمنفو درے  
یودپی مک پولہ مک کھرب تنگے آپو چک دیکھ فیاق بین دوکسے یودشوک۔  
دیرے کھو اپولہ سلام بیاس۔

اپوسی ”علیکم السلام“ زیرس، جائے ناز زدمس، زدمس نہ اپو نہ کھو  
سی زان بان زوس۔ زوس نہ اپوسی کھولہ زیرس، ”لے بُوڑھا چپیرے بیرے  
توئی۔“

زیربانہ کھوسی زیرس، ”نی شدیا چنگ نپیرے بیرے مید۔“

ینگ کو تھی دوکسے نہ ینگ زیرس، ”لے بُوڑھا چپیرے بیرے توئی۔“

زیربانہ کھوسی زیرس، ”چنگ سہ مید۔“

”ما چنگ سہ میدا؟“

”تا چہ بیک لے کسل ما مید زیربانہ سہ یانگ نہ بر پو چنگمیں گوید۔ گوانہ  
نی شدیا خلینگبُو چک یود۔“

”یو چک فُس“

”یانگ دی چھو غو بُرگ پو بنی دُونو خلَنگ بُو فو چنگمیں چی گوید۔“

”چنگ مہ گو لے، کھیانگ ٹا نا ٹا یانگ۔ ستروق تحد چُوكپا لہ چنگ سہ  
مہ گوے ان۔“

یہ کسل تا کھو خلَنگ بُو فوں۔ فوا نہ تا نہ ہلانگ اونگے ہڑیا شروع بیاس۔  
دو تھونگنا نہ اپو لہ دو سنتیان اونگ۔ اونگے اپو سی زیرس، ”یہ کسل ٹینگ نو  
کھراونگ پا بلٹو چک نہ کھراونگ پا بر قمے یود۔ دونگ نہ یو زدیب مہ زدیبا؟“

”تا فی پدکن لہ سکور بارے کسل یری کھراونگ پا بلٹو نہ کھراونگ پا بر قمونہ  
نا سی چہ بیک؟ نالہ ای چھد فی ہڑس نہ گار سونگ نہ یو فوے ان۔“

”لے بُو دینگ نو جِلگ حکمت یو دپنی ان۔“

”دو چہ یو دپنی ان؟“

”کھیانگ گار ہر مقصا ہر موسا ڈشمی سکل لہ تھون نہ بر قمولہ سونگے یہ  
بر قمہ کھیانگ رنگ چنگ یوس۔ کھیانگ بلٹو سونگے رنگ تیانگ یوس زیرس نہ،  
بر قو سی گنگمہ چنین گوے ان، بلٹو سی گنگمی گو چغین گوے ان۔“

”یا اونا یانگ کھیر۔“ زیرے دے خلینگبُو اپولہ منس جو۔ برقمونہ ہلنٹو کھوانی کھورے اوں۔ گومبا فجُو چوغے تینیں چی کھولہ خسمے اوں۔ یلے دے اپو سی چی ٹھک چی بیاسفی انا۔ نانگ کھوری کھ تھک ہلتیک۔ زیرے نہ یلے برقمہ کھیانگ سونگے اپو چنگ کھیانگ ہلنٹو سونگے اپوے گوفری ہڑقے خشوم یونگ۔ یلے کسل برقمو سی اپو چنگس، ہلنٹو سی اپوے گوفری تیانگس۔

تیانگنا نہ اپو سی زیرس، ”لے کھری شزدے برقمونہ ہلنٹو سہ کھیانگ کھیر، دی خلینگبُو سہ کھیانگ کھیر، نا لہ تیانگ مہ چوک۔“

تا کھولہ ینگ چنگ لس مید، نیجو گنگہ خلینگبُو فوین کھورین سونگے ینگ یوں چنگ تھنس۔ دے یوں پنگ سہ کھو اپو چک نہ تھکوس۔ اپوے شدیا برانگسہ دُکس۔ اپو سی کھولہ زیرس، ”لے بُو کڑا بڑے توُنی،“

زیربانہ کھو سی زیرس، ”نی شدیا چنگ سہ کڑے بڑے مید۔ خلینگبُو چک ژا یود۔“

”یو فُس“ زیربانہ کھو سی خلینگبُو فُس۔ اپوے کمری پھمن پنگ نوجائے ناز ژو خ قالین چک یودشوک۔ خلینگبُو فوا چک اپو سی کھولہ زیرس، ”لے بُو یونہ

کھری خلینگبُو مه زدیا؟“

زیربا نه کھوسی زیرس، ”یو ژو خ نتی نگ نو یوڑے یودا۔ چہ بیک  
یری دی قالی نه ناسی؟ ناله ای چھد فی ہر ژس نہ یوفوے ان۔“

”لے دینگ نو چاچگ حکمت یودپی ان۔“

”چہ یودپی ان دینگ نو؟“

”کھیانگ لہ گا شہر چلنگ نو گوسنی او نگس نہ کھیانگ یکھ دوکسے نہ یلے  
قالی نا فلاں دے شہر پنگ کھیر زیرس نہ جہاز پڑے شونمو بیاسے دینگ نو کھوسی  
کھیر بی ان۔“

”مه دوگی؟“

”انی۔“

”یا او نا یانی کھیر۔“ قالین پو نہ خلینگبُو بدلتگس۔ ایڈارے تھوننا نہ بر قمومو  
نہ ہلنُو لہ سکس، ”کھیانگ سونگسے اپو چنگ کھیانگ سونگسے اپوے گو فری  
تیونگ۔“ بر قمومو سونگسے اپو چنگس جو۔ ہلنُو سونگسے اپوے گوینگ نو تیانگس۔ قالین

پو سه کھوانگ لہ تھو بس۔ خلیگبو سہ کھوانگ لہ تھو بس۔ یو یین کھیرے شہ غینگ  
تھونس۔ چک پنگ نہ تھوب جو کھولہ فنگی تنگ چک دو گوے کھے کلبانہ ایونگ لہ  
کھوانگ مہ تھونگی کھوانگ لہ ایونگ تھونگی۔ ینگ اپو چنگ نا کھولہ چھپورگی  
چک۔ می نہ بر لہ چھپورگی خیا اونگی۔ فیونگے تیانگما نہ کھانیں بیونگی۔ اپو چنگ نہ  
کھولہ زگل گوق بونگبوجی چک۔ دے زگل گوق بونگبوجوے کھے نہ ہندو تک یوک  
چک فشدے نہ جوں نہ مک ژوما نافے برژھمنگ نو لو ستونگ چکی لم چدپنی  
اسشوک۔ دے گنگہ لہ کھروانگ پا برقمہ نہ کھروانگ پا ہلٹو تیانین کھیونگے کھو گھوری  
کھرینگ تھونس جو۔ تا کھو گھوری کمرنگ نہ بیونگما کھوانگ میدپا جو۔ کھو گھوری یا خلنگبوجی  
فوین دو گیدپا۔ بونو زان بان کھیونگما نہ کھو خلنگبوجو فوا ژھدیدپا۔ کمرنگ نہ کھو ملا بیونگما  
میدپا۔ ینگ اسقلدے وزیر لہ سکت زیرس۔ اسقلدے وزیری سی تریں، ”لے  
بادشاہ گار سو گنگی اپا یانگ؟“

”نا فلان دے ملی کھے کھور بآ سو گنگی اپا۔“

بوا سی تازی لہ تبررا تندیدپا، ”کھیانی بیاسے نہ نی بو لہ دی گنگہ بیاسفی  
إن“ زیرے۔


جو گنگ نہ جو چک اسقلدے وزیری فرو او گنس کھو کر گنگ نہ فیونگس۔  
 کھونگ باہر کھور بآگوے اپا۔ دے بولو لہ کھو سی کھوری دے شرٹ پو نہ پینٹ پو  
 کھرو سے یوق زیرے نہ کھوداںگ کھور بآسوںگس۔ لو قسے او گنس کمرنگ تھونا نہ دے  
 خلنگبُو میدُوک۔ دے بولو لہ سکت زیرے کھیونگس، مولہ تریں، ”دے خلنگبُو گار  
 کھیرس؟“

”چاہا جو یکھہ یو دپا۔“  
 ”ترامزادہ نو کمرنگ کھیانگ تھونمی نا تھونمی، ینگ سو لہ پتا مید، گار  
 کھیرنی ان نہ زیر خیارے۔“

”نا یری کپڑو کھروا لہ کپڑو کھیونگا نہ دینگ نہ خلنگبُو بُودے پلنگ پیکھہ  
 فوکس۔ فوچا نہ دو چھپس جو۔“

”یا چھتفوسه گار کھیرس؟“  
 ”ینگ پتی بیاس جو دیکھہ نہ نایاںگ لہ جکھسے نہ دو چھو لہ کل تنس۔“  
 یا جق پو دُکس جو اے جق لہ کھو رگدے خسمبا بیاس نہ کھو سی فینگمی

ننگ پو گوے کھے کلس، دے قالین پیکھہ رگی، بلٹنو، بر قم لو گنمہ یقس تا دے بونگبو  
 چہ بے انسوک۔ ہو بیا نا کھب پھی لدنی انسوک ہابیا سے نہ سالہ فنگا نہ دوینگ  
 بو گنبو لدنی انسوک۔ یا قالین پیکھہ کھو دے سامان گنمہ یقس، کھوانگ سہ ڈوس۔  
 دوکسے نہ کھوسی دے قالین پولہ حکم بیاس، ”یلے قالین کھیاں نا حلال پری گا یوں  
 پنگ نو یودپی ان نہ نا دینگ نو کھیر۔“



یے کسل دے قالین پوسی کھو لینے کھیر کھیر پولہ کھیرے پرستانی بادشی کھری گونہ لہ تھونین چی کھولہ پتہ سونگس۔ یے یو کھوانگ بادشی کھر پو انگ نزیرے نہ کھو بادشی کھری ہندوق بلس جو۔ نبے نہ کھو فینگمی ننگ پو گوئے کھلکس۔ کھری ننگبوجونگ سونگس۔ دینگ تھونا نہ حلال پری جو پری نو گنگمہ سی سکل لہ تنگے جو کھور با سونگے لوئے اونگے کھری زگوہڑی کھہ نہ موری خاص اشے نونگ نہ نیمبو اونیدیوک۔ اے گنگمہ لوئے گویدیوک۔ مو موری کمِنگ نو جوکس۔ جو کفا نہ کھو سہ موے گیب پنگ نوننگبوجونگ سونگس۔ مو پلنگ پیکھہ فرید لہ فنگس۔ دیکھه نہ موسی یو زیریدیوک، ”یے بادشی بُو سرzman کھیانی چہ بیاچس چی بیاس؟ نا سی چہ مہ بیاس؟ کھیانی چہ بین یود؟ نالہ چہ گوین یود؟“

مانی یو زیرین آہا لوغید۔ مانی یو زیرین دیہا لوغید۔ کھو دے زگو چھن پنگ لئنگے ہلتین دوگید۔ دیکھه نہ زگو چھن پنگ نہ کھو سی زیرید، ”ہئی ہئی لے پرستانی بادشی بُو کھیانگ کھری بُو ائی کھرنگ تھونے پری نو گنگمہ سی سکل لہ تنگے کھورین یود۔ نالہ کھری فری ژامڑے زدک نہ نرف تھونید۔“

مو ژھود سونگس۔ ہلتا نہ سو سہ میدیوک۔ الماریوںنگ ہلتس میدیوک۔

ینگ موڑی پلنگ پیکھہ فنگس۔ فنگے نہ مو سی ینگ یو زیربانہ کھوسی ینگ یو زیرید۔ گوانہ آخر مو سی نا زغید، ”کھیانگ لدن چونفی خُدالہ نا زگ ق کھری شزدے کھیانگ گار یودپنی ان نہ اوںگ۔“

زیربانہ کھوسی زیرید، ”او کھیانگ شدی شوب پنگ دوکسے کھیانگ ناله چہ بیاد؟ کھیانگ ناله چنگ مہ بے نا بور۔ دو مید نہ نانی شکل پو کھیانگ لہ بلتا مید۔“

گوانہ مو سی نا بورس، ”شیلان پیغمبری مارفو جلی شوقوی جق چک لات نہ مناقی جق چک ناسی یانگ لہ چنگ بیا مید۔“

نا بوربانہ کھوسی فینگمی نتینگ پو گوے کھہ نہ فودس۔ فودپا نہ مولہ سہ تھونگس۔ دیکھہ نہ نیسکا غوبیا سے لوں، بر انگروت پھی بیاس۔ مو سی موڑی ژونمو لہ سکلس، ”درینگ نا اشن ہلتونخے یود ڈونینگ نوش تھلے تنگے کھیونگ، چپاتی نیس تھلے تنگے کھیونگ۔“ یلے کسل ڈونینگ شا تھلے تنگے کھیونگس جو۔ چپاتی سہ تھلے کھیونگس۔ یا بزوے کھہ ژمن لہ دینہ کھابوری کھہ سہ کھیونگس کھوفی زوں۔

چتمے خشوم بھی لہ تا چہ سونگنی انسوک؟ مولہ تا ہلا یولی بادشاہ سترن یولی

بادشاہ درے یولی بادشاہ، دی خشومکا سی مولہ ہلپہ تنگی انسوک۔ دے خسومکا سی مولہ ہلپہ تنگے ہلا یولی بادشاہ نہ درے یولی بادشی کھہ سترن یولی بادشاہ سی تھنو بیاس کھولہ دوئی کھہ رگیال تھونبی انسوک۔ دے یولکنی کھہ سترن یولی بادشاہ سی پراڑوک لہ می تنگے کھوسی قبصہ بیاسفی انسوک۔ گوانہ مو سترن یولی بادشاہ لہ سکیور با تیار سو تنگی انسوک جو۔

دیرے سترن یولی بادشاہ سی موسے بوالہ زیرس، ”گوانہ تا بوٹنگ نہ لیاخمو گوید پا، گوانہ نام تنید نہ ناسی تیاری بید۔“

زیربانہ بواسی زیرس، ”اونا ناسی بوٹو لہ تریا تنید۔“

زی سی بوٹو لہ تریں۔ تریا نہ موسی زیرس، ”نا مہ دوکپی ان۔ نا چینی بادشاہ لہ دوکسے یودپنی ان۔“

تادے انو لہ خا اونگے نہ زیرس، ”لے بوٹو دو کھیانگ چہ بکواس زیرید۔ یو کھیانگ گوپا چا مہ زیرس؟ اے ہلا یول نہ درے یول لہ ہلتی سترنی ہرق سونگے سو لہ مہ بیاسفوگ بیاسید۔ یو ڈانگ لہ سہ گوا تحدید نہ کھیانگ مہ دوک۔“ ”تا چہ بیا انو لہ چنگ چارہ مید۔ نا اشی پائیں لہ دوکپا ینما مید۔“

”اونا یو کھیانی کھوانگ لہ زیر۔“

”نا جکھسو گا؟ زیر بی ینگ۔“

موسیٰ زیرید، ”لے بادشاہ نا چینی بادشاہ لہ دُوکسے یودپی ان۔ نا اشی پا نئیں لہ مہ دُوکپی ان۔“

بوا سی مو لہ زیرید، ”لے بوٹو کھیانگ سترن یولی بادشاہ لہ دُوکپا رگوٹوک۔ مید نہ کھوسی ہلا یول نہ درے یول لہ چھ بیاسید نہ نڈانگ لہ سہ یا حالت پو بے ان۔“

تا کھوسی ژامڑے زیرس نہ زیر مو لہ چنگ اثر کھوانگ گوا مید۔ موسیٰ زیرید، ”میوں چہ گوا یود نہ یود یانگ لہ چہ گوا یود نہ یود۔ نا لہ تا نئیں لہ دُوکپا یتھا مید۔“

تا پرستانی بادشاہ سی سترن یولی بادشاہ لہ دیو زیرے می تنگس، ”نا سی ژامڑے کوشش بیاس نہ سہ نی بوٹو منانی گوا مید۔“

دو زیرے تنگا نہ سترن یولی بادشاہ لہ خا اوگس۔ اوگسے زیرس، ”یا اونا

ہفتہ چلکی ننگوںگ پنگ نوکھری گھر نہ یوں لے چہ بیانا ہلتوس؟“ زیرے نہ کھوری سترن یولی ہرق کھدے اوںگے پرستانی بادشی شہری تھنا لہ کھوے ہرق گئی سی کیمپ ستس۔ تاکھو سی جھت لہ پرستانی بادشی شدیا دیو زیرے می تنگس، ”خسن سہ و خ یود گواہ نی ہرق گئی یری شہری تھنا لہ کیمپ تنگسید۔ یانگ بو نالہ سکنور۔“

بادشاہ سی بو نو لہ یانگ ترس۔ تریا نہ ”تا یانی چہ بید نہ یوس بوا، نا دُوکی مین۔“

دو زیربانہ کھو سی زیرس، ”لے کھیانگ یودپی دے اشی پو گار یودپی ان؟“

”یاوایا یودپی ان۔“

”اونا دو فیونگ کھیونی۔“

”او یانی سی چہ بیات نی اشی پو لہ یانگ نا بور۔ نی اشی پو لہ مہ خنودپی یانگ نا بور۔“

کھو سہ دے شوقبو نی حوالہ منے نا بورس جو۔ بوربانہ کھو فینگمی نتیگ پو

گوے کھے نہ فودس۔ فودپا نہ مسٹنگ صورت کمال یودپی جوان چی یودسوک۔

”لے بُوتانی بُونو کھیانگ لہ دُوکسے یودپی انمنگ۔ ایکھہ شہری تھنی کھے

ستِرن یولی بادشاہ سی کیمپ تلگسید۔ دولہ چہ بیکنا؟“

”یا دولہ یانی فکر پوچا بید، دولہ ناگوید۔“

”اونا رگی بگی چنگ یودا؟“

”یا چنگ چہ رگوسید جو۔ چھقپو خیازوس سونگی رگی چک ٹرینگ یود جو۔“

”اونا ہرتا بے؟“

”چنگ چہ رگوسید جو۔ زگل گوق سونگی بونگبوی چک ٹرینگ یود جو۔“

”یا اونا کھیانگ سونگ۔“ کھو زگل گوق بونگبوی کھے رونے کد کد یین  
گوا نہ پرستانی بادشاہ لہ خسمس، ”یا اے تھنگ پیکھہ تھوننا نہ ستِرن چلکی پاق رد بید، رد با  
نہ نانی بُونو ستِرن یولی بادشاہ لہ سکیورید۔“

دیرے کھو موڑ چنگ چوق تھوننا نہ کھو فینگی نتنگ پو گوے کھے کلس۔

بونگبو لہ گوے کھے نہ ہڑے کھے تھونے من فشدس جو۔ دو خلوںگ ہرتا لنس جو، قالین

پیکھہ دُوکس جو دو سی تو اق لینے کھیرے شہری تھنا لہ فبیں۔ دیکھہ نہ کھروانگ پا ہلٹنُو نہ کھروانگ پا بر قمہ لہ حکم بیاس، ”یے کھروانگ پا بر قمہ کھیانی سترِ فی ہرق چنین سونگ۔ کھیانگ ہلٹنُو سی کھونی گونگ چنین سونگ۔ لزالہ نانگ او نید۔“

یہ کسل بر قمومی چنین سونگس، ہلٹنُو سی کھونی گونگ چغین سونگس، لزا لکھوانی سی ہر ٹوپین سونگس۔ یا ہر ٹوپین سونگسونگ پولہ سونگفو سترن یولی گوے کھ تھونس۔ سترنجانونگ گنگہ سہ رد بس۔ رد بے نہ سترِ فی بادشی کھر پوے کھ قبضہ بیاس جو۔ کھوری منچ پو ریس جو، ”فلان دی تارتخ لہ چین شہری بادشاہ سر زمانی سترِ فی ہرق نہ تھنونی بیاس رگیل تھوبے دی کھر پوے کھ قبضہ بیاس فی ان۔ ینگ دیو سوسی قبضہ بے کوش بیاس نہ ناسی سترِ فی ہرق لہ بیاس فاڑو خ بے ان۔“

دو رسے لو قے او نگے بادشی کھرِ نگ تھونا نہ سامان کُن زدمس جو، بونگبو ینگ یا زگللو ق بونگبو لدن چوکس۔ یا بونگبوی کھ جنس جو۔ ینگ یا چھقپو رگی کھورس جو۔ کد کد بین او نگس۔ او نگا نہ بادشاہ سی ترس چنا لے بُچ سونگس؟

زیر بانہ ”بوا ناسی سترِ فی ہرق رد بے پچھمی سید۔ دے سترن یولنگ نو پراڑوک لہ یانگ می تو نگ۔“

تا بادشاہ سی سترن یوںگ نو تنگا لہ پرستافی میونگ زدمس۔ زدمے نہ  
زیرس، ”کھدانگ لہ سترن یوںگ نو پراڑوک لہ گوارگوسید۔“

زیربانہ کھوفی سی زیرید، ”یانی نیا ریس بیاسے تنگمی اننا یا آئیکھ نیا دوکپا  
بیاسے تنگمی ان؟ آئیکھ دوکپا بیاسے تنگمی ان نہ یانگ نیا لہ عہدہ منے نڈانگ آئیکھ  
بادشاہ بیاسے تنگمی ان نہ یانگ دے خپرو زیر۔ تا دو مین نہ یانی لزا تزوک لہ لزوپی  
ان نہ سال لہ لزوپی ان نہ، چہ بے ان نہ یانگ نیا لہ دو زیر۔“

زیربانہ کھوسی سرزمان لہ ترس، ”چہ بید لے بُو؟“

زیربانہ کھوسی زیرس، ”یانگ تمدھفو یوس،“ اے گھر پوے کھ تانا سی  
ثری ملٹھ رلبے اوگنسید جو۔ دو سوی اتالہ مجال مید۔ پقزی فشک نہ ناکھدانگ لہ  
سترن یولی ہرق لہ بیاسفا ژو خ بے ان۔ دو سے اینگ کھدانگ بادشاہ بیاسے  
دوکپا سونگ۔ دیکھ نہ بوالہ بب تونگ۔“

دو بیاسے تا بادشاہ سی گھوری ہرق فید پو دیکھ تنگس۔ آہا تا اے سترنی  
ہرق فید پو درے یوںگ یودپی۔ اے فید پو ہلا یوںگ یودپی۔ تا کھو دے  
شہر نیسکنگ سہ کھوسونگس۔ دونگ ژھنگا رڈس۔ دونگ سہ پرستانگ نہ می تنگس

جُو۔ پچھمغا نہ کھوسی بوا لہ زیرس، ”یے بوا تا یانگ لہ سکون سونگسا مہ سونگس؟ ینگ یانگ لہ سو سی حملہ کھیونگچس مید۔ یری شزدے سونگ نہ فی بوانہ زی لہ اپنی فکر نہ کھوکھول گوین دُکٹوک۔ نالہ ٹری یو لنگ گوے اذن شزدے یوس۔“

”لے بوانی بُنانہ دی بُنو حلال پری ڇا مید پا مید پی ان۔ تا دیشے گھرنہ زدونگ نہ جائیداد ڙھنگمہ ناسی چہ بیا؟“

”یے بوا کسل یانگ لہ بُنو چک مید پا مید انگ۔ نا لہ ککا فونو خشوم یود۔ امہ بوانہ زینگ نانگ چوقپا رنگچن یود پنی ان۔ گار سونگسید گار سونگفا مید چحمد کھے مید فی بوانہ زی لہ۔ یتی شزدے نا لزا تزوک لہ لوکھور لہ ینگ لو قسے اونگنؤک دو سے تا گو نالہ لیکی ڙھاڑھا یود۔“

زیر بآچک ”اونا چہ بیک فی بُنو کھیانی کھیرے یود کھیانگ خُدانی فغرا سونگ۔“

یے کسل تا کھوسی دے گھوری سامان گنگمہ نہ حلال پری، کھوانگ دے قالین پیکھہ دُکس۔ قالین پو سی غونگ نہ غنٽی کھے کھیرے گھوری یا تھنگ پیکھہ فبس۔ دے قالین پو سی بادشی گھری فری سکور من کھرفی لہ۔ تا چینی بادشاہ

دروقس۔ چینی فوجی پھوگو له سکت زیرس، ”یلے ڈیوری چہاڑ ژوخ پھی آہا کھیں سید۔ کھدا نگ دو چہ اینا نا ہلتوس۔“ تُونگ فُس جُونوا نه فوج گنگمہ مس۔ دیکھه نه کھوونگ دے تھنی تھنی کھه نه دُورین کلے ہلتین ڈوکس جُو۔

تا کھو سی حلال پری لہ زیرس، ”یلے حلال پری نڈانگ گھر پولہ کھورین او نگسید۔ تا نی بوالہ گاری فوج پھی او نگنی انا خمسے کھوری فوج گنگمہ زدمے کھیونگ سنگ۔“ یلے کسل تا کھو سی امنی جھنڈا کھورس جُو۔ چینی فوجی پھوگو سی دُورین کلے ہلتین یود۔ دیرے کھو ایکھه نه کارفو جھنڈا کھورے او نگس۔ او نگما نہ دیرے چینی فوجی جرنیل پو سی آہیکھه فوج پولہ تیار ڈوک زیرے سکلے یودپنی۔ کھولہ بادشی سرزمان ژوخ پھی انمو نوزن سونگس۔ دیرے دیڑارے تھونا تھونا کھولہ پکا یقین سونگس۔ بادشی سرزمان انمو۔

گوا نه کھو سی فوج لہ حکم بیاس، ”کھدا نگ گنگمہ سرزمانی استقبال لہ سونگ۔“

”مه ڈوگی لے کسل؟“

”ا نمگ“

تا کھو او نگے بادشاہ لہ رگسکت کھیرس، ”بادشاہ کسل دو سے دے او نگونگ سر زمانی جہاز پو انسوک جو کھو گھوری خاتون پو کھدے یاں لو قسے تھونسید۔“

”دو سونگ نہ سر زمان لہ سکت زیرے کھیونگ۔“ سر زمان لہ سکت زیرے تنگس۔ اسقلدے وزیری بُوند یاں چھو غو چک۔ تنگا نہ کھوسی زیرس، ”بے شک بوا چھو غو ان، ان نہ سہ نا ایکھہ گوالہ تیار مید۔ کا نیسا کا نہ فی ش پو بیا سے مید پا نا دکھہ نہ گوے میں۔“

دیرے گئے گئے چین شہری گونہ گونہ لہ اعلان سونگس۔ سر زمان یاں لو قسے او نگسید۔ کھدا نگ سو سر زمان نہ تھوکپا تمہیدنا یولی جوان گن، ٹھرمونگ، یولی تمھنی کھ سر زمانی استقبال لہ او نگ۔ دیرے ٹھرمہ ٹھوڑے جوان گنگہ او نگے بادشی کھرنگ تھونس۔ دیرے اسقلدے وزیر نہ کھوے بُو اے وزیر گن بچھی سونگے سر زمان لہ زیرس، ”چینی ہرق پورا دم سے او نگسید۔ یاں لو قسے او نگنی گرتو یاں نو یاں نہ تھوکپا لہ۔“

تا آہیکھہ چہ گوید؟ بادشاہ سی جتن بدُون ہرق لہ زان تنگس۔ پورا چینی

ہرمق لہ۔ جقما خشوم سرزمان کھوائی زان ممنا بیاس۔ تا بادشی زان گوئے سرزمانی زان تنگی ریس او نگا نہ کھوسی تھنگ پیکھہ زان کلھی تیاری بیاس۔ امہ چینی ہر فی سی دیو مطالبه بیاس، ”گوانہ یری شزدے نیا یری شدیا زان لہ او نید۔ امہ نتی شرط چک یود۔ دے شرط پیکھہ یانگ تھونید نہ نیا او نید مید نہ او نگا مید۔“

زیربانہ کھوسی تریں، ”کھتی چہ شرط یود؟“

”نیالہ اپنی فلکر سونگسید پا سرزمان لہ شدی چک تھوبسید زیرے۔ گوانہ دو سے دو شدی میمنگ لو دو پرستافی بادشی بوںو امنگ لو۔ نیا عوام گنگمہ لہ موے دیدار پو تھونگا رگو سوک۔ دو نیالہ ہلتندید نہ نیا زان لہ او نید، مید نہ مید۔ دو چازیربا نہ نتی سٹنگ لہ اپنی گنگو او نید۔ یلے دیو خاتون چھی انسوک شدی مین سوک زیربی نیا نتی یوں لہ گسکت کھیرید۔“

زیربانہ سرزمانی سی خاتون پولہ تریں۔ تریانہ موسی زیریں، ”کھونگ لہ نا کھو انگ تھونگا تھنگ نہ نا ہلتون۔“

یلے کسل تا کھونگ دے تھنگ پیکھہ سٹیج فخوس جو۔ مو دیکھہ کھیونگس، کھیونگس ہرمق لہ موے دیدار ہلتنس۔ گنگمہ موے دے شکل و شمائیں پو تھونگسے حیران

سوگس۔ دیکھه نہ چینی پورا ہرخی سی زیرس، ”درِنگ نہ آہا نئی بادشاہ پو سرزمان ان۔ بادشاہ لہ زیر درِنگ نہ آہا سرزمان تخت پیکھہ کلید نہ نیا یری تالع بید مید نا نیا نئی ریاست الگ بید۔ اے دے بونگبونگ نہ نیا چہ بید۔ دیوری چینگنگ نہ لو ستوونگ چکی لم تحقق پو جہاز چی مید گاڑی مید چنگ سہ مید پا کھو پرستاننگ سونگے ینگ حلال پری کھدے کھیونگ کھن پو لہ نیا بادشاہ مہ زیر با دیکھه گھوڑو نیس لہ تمہم تمہم بین دُوك کھن گن نیا سی بادشاہ فخوا اینی؟ دو ملا مہ گوے ان۔ یدانی بادشاہ لہ سونگے زیر۔“

کھونگ سونگے بادشاہ لہ زیرس ”لے بادشاہ سلامت عوامی سرزمان بادشاہ فخوید لو۔ اے نیسا کا بادشاہ مہ فخوے ان لو تا دو مید نہ کھوئی ریاست الگ بے ان لو۔“

تا کھو سہ عوام لہ ہلتار گوس۔ کھو سی اے کا نیسا کا لہ تریں۔ تریا نہ کھوئی سی زیرس، ”اونا دو سونگ نہ بادشی گھر پو نیا لہ رلبے من۔ کھولہ ایکھہ تھنگ پیکھہ گھر زدونگ یود۔“

گوانہ کھوئی سی زیرس۔ یدانگ لہ اہیکھہ گھر زدونگ تنگے منوک۔ مگر یا

چینی بادشی گھر پو بادشاہ نہ دریسے گوئے ان۔ دو یوں اگ لہ مہ تھوینی ان۔ اے پرستانی بادشی بوئے گھر پیکھے چہ اعتبار گھر پتھر لہ گھر پو نہ دریسے گھورے شورے سوگس۔ دیوٹی میں گھر پو بادشاہ نہ دریسے گوئے ان۔“

تا دیکھ نہ بادشاہ سی اعلان بیاس، ”درنگ نہ اہا عوامی رنزو نہ زومے سرزمان بادشاہ ان۔“ یولی چھو غو، ترانگپہ، وزیر، چینی فوج گن گنگمہ سی دستخط تنگس جو۔

یلے کسل تا نہ سرزمان زندہ بادتین بادشاہ سرزمانی خدمت لہ او نگس نہ زیرس، ”یری شرذدے نتھی الو ستر گنگمہ لہ یوار یود دی خاتون پو بی دیدار لہ ہاتا یودپی۔ دوفری یوں اگ نتھی یوں اگ نو دعوت لہ شخنا رکوشوک۔ یلے کسل تا کھو خاتون پو سہ کھدے تبّتی کھدے نہ دورہ بیا شروع بیا سپو لہ چینی تھنا تھونے من دورہ بید پا جو۔ تا کھو یولی گوا ہڑا دورہ بیا سے لو قسے او نگس گھوری کھر نگ نو بازی گنگمہ نہ نیمبو دُونگ رونگ نہ پنیرا۔

